



ქვეყნის  
საბჭოთაო

XI.

სოციალ-დემოკრატიული გაზეთი.

XI.

№ 3

კვირა, 12 იანვარი 1903 წლისა.

№ 3

**გაზეთის ფასი:** ერთი წლით თფილისში 7 მან., ნახევარი წლით 3 მ. 50 კან. თფილის გარეთ ერთი წლით 8 მან., ნახევარი წლით 4 მან., სპი თვით 2 მან., თითო ნაბეჭდი—15 კან.

**ხელის-მოწერა მიიღება:** თფილისში—«წერა-კითხვის გამავრ. საზოგადოების» კანცელარიაში და «კვალის» რედაქციაში, სხვა-ორის ქუჩაზე, № 35. ტელეფონი № 734.

**ფოსტის ადრესი:** Тифлисъ. Редакция «КВАЛИ».

**შინაარსი:** მეურნე და მეურნეობა, გ. მარშალისის.—სხვა-დასხვა ამბები.—კორესპონდენციები.—რუსეთის ცხოვრება.—1902 წელი უცხოეთში დ. კოლხიდელისა.—ჩაიზე, მთ. კოდრა-პატრიასი.—აქეთური იქითური, (ფელეტონი) ა. მარჯანიძისა.—გასული წელი რუსეთში, ა. ზ—ისა.—სატრფოს, შაკემა კ. ნადირაშვილისა.—სასაღსო თეატრი, ა. ც—ქსია.—წერილი რედ. მიმართ.—განცხადებანი.

საბოლიტიკო, სამეცნიერო და სალიტერატურო  
ნაწაბეზიანი გაზეთი

# „კ ვ ა ლ ი“

(წელიწადი მეურნეობა)

გამოვა 1903 წელსაც ყოველ კვირა დღეს 1—3 თაბახამდე.

გაზეთი წლიურად ღირს თფილისში 7 მან., თფილისს გარეთ 8 მან., ნახევარი წლით თფილისში 3 მ. 50 კ., თფილისს გარეთ 4 მან., ხელთ სპი თვით 2 მან. თითო ნაბეჭდი სპი შუგათ. ადრესის გამოცვლა თფილისს გარეთ ღირს ორ მანათ.

ხელის მოწერაებს შეუძლიათ წლისი ფული ნაწილ-ნაწილად შემატებან.

**ფოსტის ადრესი:** Тифлисъ, Редакция «КВАЛИ».

**ხელის მოწერა მიიღება:** თფილისში, წერა-კითხვის საზოგადოების კანცელარიაში (სასაღსო ქუჩა, თავად ახანოვანის ქარვასლა); რეზინის გზის სადგურზე პირველი კლასის ბუფეტში, ესტ. ჩხარტიშვილთან და თვით «კვალის» რედაქციაში.

**ქუთაისში:** მიტროფანე ლადიქსთან, ვ. ბუჯანაშვილის წიგნის მაღაზიაში და ქუთ. გამომცემელ ამხანაგობის კაისკში; ბათუმში სპირიდონ ჭელიძის წიგნის მაღაზიაში; ოზურგეთში და ხაღალსუხაში—კ. თავართქილაძის წიგნის მაღაზიაში; ჭიათურაში—კალისტრატე ჭიჭინაძესთან და გუგუსიძე ბერძენთან; უფრიდაში—ივანე არდიშვილთან; დაბა ხონში—სასაღსო სამკითხველში; ძველ-სენაკში—არსენ წითლიქსთან; ოზურგეთში—დომენტი შავიშვილთან; საბუნჩაში—დომიტრი მელაძესთან.

მეურნე და მეურნეობა.

VI.

როგორც მეზუთე წერილში გავარკვევით, სხვადასხვა ისტორიული გარემოებით მიწა-ადგილი ჩამოერთვა ხალხს, მიწის მუშაკთ, და გადაეცა მოწინავე წოდებას. ამნაირათ წარ-

მოიშვა ერთი მხრით მიწათმომქმენდი და მეორე მხრით მიწათმფლობელი (ამათ შორის იგულისხმება გარდა თავად-ახანაურობისა სასულიეროო წოდება წინეთ და ხაზინა დღეს). მაშასადამე მათ ხელში მოიქცა მიწის მონოპოლიაც.

რა არის მონოპოლია?

მონოპოლია არის ისეთი მდგომარეობა, როცა ერთ ან რამდენიმე პირს ეკუთვნის ყველასათვის საჭირო ნივთი და ამ ნივთის სარგებლობაში მათ მოცილვე არაფერ ყავს. მაგ., შიდაგუბერნიებში მთავრობამ შემოიღო არაყის მონოპოლია. ეს ნიშნავს იმას, რომ მარტო მას შეუძლია ამ სასმელის გაყიდვა და სარგებლობის ნახვა, სხვა ამაში ვერ ჩაეზიარება. სწორედ ასე და კიდევ უფრო მკაცრია მიწის მონოპოლია. შეიძლება ვინმემ არაყი ჩუმათ გამოხადოს, გაყიდოს და მით ხაზინის მონოპოლია შეასუსტოს. მაგრამ არაფერ ძალუძს თუნდაც ერთი მტკაველი მიწა შექმნას და მით მიწის მონოპოლისტთ შეეცილოს. მიწა ბუნებრივი მოვლენაა, იმის არც მოკლება შეიძლება და არც მომატება, ვისიც ხელში ის არის—მის ხელშია არა მარტო მიწა, არამედ წყალი, ჰური, მზის სხივები—ერთი სიტყვით მთელი ბუნება. ამ ბუნების გარეშე ადამიანის ცხოვრება შეუძლებელია. მისთვის საჭიროა, პირველათ, ფეხის დასადგომი მიწა, საცხოვრებელი სივრცე, სახლ-კარი; მეორეთ, ნიადაგი, სამუშაო სივრცე, საკვები ადგილი. ის უეჭველათ უნდა დაეპატრონოს დედამიწის ერთ ნაწილ ნაწილს, რომ შესძლოს ჰაერის სუნთქვა, მზის სხივებით სარგებლობა, თავისრჩენა. და თუ ეს მიწა უმცირესობის ხელშია—ცხადია ის ყოფილა უდიდესი და უძლიერესი მონოპოლისტი. სხვა ასეთი მონოპოლია ქვეყნათ არ არსებობს. მრეწველნი რაგინდ შეძლებულნი და დიდი ფაბრიკების პატრონი იყვენ, მონოპოლისტებათ მაინც ვერ იქცევიან, რადგან ახალი ფაბრიკების გახსნა და გამრავლება შესაძლებელია. შეიძლება ზოგმა ხელთ იგდოს რაიმე ახალი გამოგონების მონოპოლია, მაგრამ რამდენიმე ხანს მერე ეს მონოპოლია უქმდება და გამოგონებაც ყველას ხვედრათ ხდება. მიწის მონოპოლია დაფუძნებულია, მაშასადამე, მიწის

ბუნებრივ მოვლინებაზე, მის მუდმივობაზე. ხოლო ის, რაც ბუნების მოწყობებაა, კაცის შრომით შექმნილი ვეღარ იქნება და თუკითავით არც რაიმე ღირებულებას წარმოადგენს. ცხადია, მიწის მონობოლია ნიშნავს მონობოლიას ბუნების ძალის, ბუნებრივ სიმდიდრისას, ისე როგორც ის სამყაროში შეზავებულია, იმას ფასი არ აქვს. ფასი ეძლევა მას შემდეგ, რაც ამ ბუნების ძალას ადამიანი ხმარობს და შრომის იარაღით იყენებს. აქ ფასი აქვს იმ მიწას, რომელიც შრომის ნაყოფია და არა იმას, რომელიც ბუნებამ შექმნა. მონობოლიათაც ზაშინ გადაიქცა მიწა, როცა მას შრომამ ფასი მისცა, ე. ი. როცა ხალხი გამრავლდა, შრომა განაყოფიერდა და მიწის მოთხოვნილებამ იმატა. კაცობრიობის კულტურული ზრდა შეიქმნა მიზეზათ, მიწა შრომის წარმომადგენელთა გამოსკოლად და სხვების ხელში გადასულიყო. მაშასადამე ამით მიწა შეიძინეს არა იმით, რომ ნიადაგს რაიმე ღირებულება შემატეს, არამედ იმით, რომ ეს ღირებულება მას სხვამ შემატა და მით ის სახარბიელო განძი შეიქმნა. აქ არის მონობოლია სწორედ იმ მიწის, რომელიც შრომამ შექმნა, ეს შრომის მონობოლიაა. მიწის პატრონს შეუძლია ხელი არ გაანძიროს, ხოლო მიწის ფასმა კი იმატოს და იმატოს. ვთქვათ სადღაც მივარდნილ ალაგას მამული მაქვს, რომელიც არავითარ შემოსავალს არ მაძლევს. ერთ მშვენიერ დღეს შედგა კაპიტალისტთა კომპანია და იმ კედაროს რკინის გზა გაიყვანა. რკინის გზას ხალხი გაყავს, გაშენდა სადგურები, გაჩაღდა ცხოვრება. ჩემს მამულს მოწონება მოუვიდა, ფასი დაეღვა, და თუ წინეთ არას მაძლევდა, ახლა ათასობით მაძლევს, უცებ გაემდიდრდი და ჩემი სვე-ბელიც შეიცვალა. რამ მოახდინა ყველა ეს? ჩემმა სიფხიზლემ? სრულიადაც არა, მე თითიც არ გამინძრევია, მე მხოლოდ ვისარგებლე სხვების შრომით, სხვების ენერჯით და მოღვაწეობით. კაპიტალისტებმა რკინის გზა გააკეთეს, მის ახლო-მახლო ცხოვრება გაჩაღდა, მხარე კულტურულათ წინ წავიდა და აი ამით ჩემი მიწაც დასჭირდათ. და რადგანაც მიწა მონობოლიური ხასიათისაა, ე. ი. მისი ვაკეთება, როგორც რკინის გზის, არ შეიძლება, აშკარაა ძალაუნებურათ ჩემი მიწა უნდა შეეყიდათ ან იჯარით აეღოთ. მე მთელ ამ მოძრაობაში არავითარი მონაწილეობა არ მიმიღია, ხოლო სარგებლობა კი დიდი ვნახე! ქუჩაზე რომ ხაზინა ვაპოვო—ეს არის. და ეს იმიტომ, რომ მე მონობოლისტი ვარ, მიწას ვერაფერ ვერ გამრავლებს ფაბრიკასავით. ავიღოთ მეორე მაგალითი. ვთქვათ ვერაზე მიწა ვიყიდე, საყენი ხუთ მანეთათ, დავტოვე და უცხოეთში წავედი. დავბრუნდი რამდენიმე წელს მერე და რას ვხედავ, თფილისი ვერისკენ წამოსულა, ჩემი მამულის გარეშემო უზარმაზარი სახლები წამოქიმულან, ქალაქი გაჩაღებულია. საყენ მიწაში სიამოვნებით მაძლევს სამ და ოთხ თუმანს. ვიგებ რამდენიმე ათას მანეთს. საიდან, რა გავაკეთე? სრულიად არაფერი, მე მხოლოდ ვისარგებლე ქალაქის ზრდით, ხალხის კულტურული განვითარებით და მეტი არაფერი. შრომა სხვისია, ნაყოფი კი ჩემი. მიწა ჩემი საკუთრებაა და რა გზა აქვთ იმათ, ვისაც მიწა არ მოეძევა, რომ არ დაემორჩილონ ჩემ სურვილს.—მესამე მაგალითი. ვთქვათ მადანი გაქვთ, მაგრამ მას არავინ არ თხოულობს, არავინ არ მუშაობს და არც რაიმე ფასი აქვს. პირიქით ნატრობთ ნეტავი ამის ალაგას სახნავი მიწა მომცა სადმეო, როგორც ამას შავი ქვის პატრონები ნატრულობდენ ამ 42 წლის წინეთ. ერთი სიტყვით თქვენთვის ეს ქონება ქონებათ არ ითვლებოდა და არც იცით თუ ოდესმე აქედან რამე სარგებლობას ნახავთ. და თუ არ ყიდით იმიტომ რომ არავინაა მყიდველი, თუნდაც ჩაღის ფასათაც შეიძლიათ. მაგრამ

გავიდა ხანი და ვიღაც ფულის პატრონები მოვადგათ კარზე, ეს ქვა ჩვენ გვეჭირა და ნება მოგვეცო დავიმუშაოთ. ამით დაინტერესებული თქვენ ტყობილობთ, რომ ქადაგებდნენ რომელღაც კუთხეში ზავოდი ყოფილა და წინააღმდეგობაში საჭიროებს. ქვის მოთხოვნილება უცებ იზრდება, თქვენც ან ყიდით და ან იჯარით აძლევთ კაპიტალისტებს და ასე მდიდრდებით. საიდან შეიძინეთ ეს სიმდიდრე? თქვენი გამრჯელობით? სრულიადაც არა, თქვენ აქ მხოლოდ გამოწვდილი ფული ჩაადგევთ ჯიბეში და თანაც გიკვირთ, რა ბელი მომიგორდა კარზეო. თქვენი გამდიდრების გასამართლებელი საბუთია ის, რომ ეს მიწა თქვენ გვეკუთვნით, ე. ი. მდიდრდებით როგორც მონობოლისტი და არა როგორც რაიმე ღირებულების შემომქმედი. წარმოებას მეთაურობს კაპიტალისტი, მთელი რისკი მის კისერზეა, ღირებულებას ქმნის მუშა, თქვენ კი არც ერთში არ ურევხართ, მარა მიუხედავად ამისა მოგების ერთ დიდ ნაწილს ისაკუთრებთ.—მეოთხე მაგალითი. ამ მადნების გარეშემო თავი მოიყარა დიდძალმა ხალხმა, ამათ საჭმელ-სასმელი უნდა, მოიმატა პურის, ღვინის და სხვა სამეურნეო ნაწარმოების ფასებმა. თქვენ ახლა უცხადებთ თქვენი სახნავი მიწების მეიჯარეთ: აქამდის მაძლევდით მოსავლის მეოთხედს, აწი აღარ შემიძლია ამ პირობით მოგცე, რადგან საწოვავს მეტი გასავალი მიეცა და ფასებში აიწია. თუ გნებავთ მეტი ღალა მომეცით, თუ არა და თქვენთვის მიბძანდით, მუშტრები ბევრი მყავსო. იჯარადარი იძულებულია დასთანხმდეს... მემამულეს მაქვს ის, რაც მეიჯარეს წინანდელზე მეტი უნდა დარჩენილა. რატომ? მიწას არ მომატებია ახალი თვისება და არც პატრონს მოუხდენია რაიმე გაუმჯობესება მამულში,—მაშ რისთვის!

ერთი სიტყვით, რა მხრითაც უნდა შეხედო, როგორც უნდა გასაჯო, დღესავით ნათელია ის, რომ მიწათმფლობელის შემოსავალი მომდინარეობს მიწის მონობოლიიდან. საზოგადო წინსვლელობა, ერის კულტურული ზრდა თანდათან აძვირებს მიწას, როგორც ბუნების ძალას, ხოლო ეს გაძვირება კი ხდება არა საზოგადოების, არამედ კერძო პირთა, მამულის მონობოლისტთა სასარგებლოდ, ე. ი. საზოგადოების ერთი ნაწილი ხარკს აძლევს მეორე ნაწილს, რომ ამით მოიპოვოს უფლება დედამიწაზე ცხოვრების. ეს ხარკი მატულობს იმდენათ, რამდენათაც მატულობს მცხოვრებთა რიცხვი, ვითარდება მრეწველობა, შრომის განაწილება, მეცნიერება—ძლიერდება თანამედროვე კულტურული ცხოვრება... ამისათვის არის, რომ მიწა და მიწის მოსავალი თანდათან ძვირდება, ხოლო საფაბრიკო საქონელი იათფლება. პირველ შემთხვევაში მეფობს მონობოლია, მეორეში—კონკურენცია. მაშასადამე, ინტერესი მიწათმფლობელთა და ინტერესი დანარჩენი საზოგადოებისა ძირიანათ ეწინააღმდეგება ერთმანეთს.

ასეა თუ ისე, ხალხის საზოგადო წინსვლელობა არის მიზეზი მემამულის\*) შემოსავლის გამრავლებისა. მაგრამ საზოგადო წინსვლელობა ძირიელ ბევრ ელემენტებს შეიცავს, იქ არის შრომა, კაპიტალი, ტექნიკა, მწერლობა და სხვა და სხვა. რომელი ამათგანია წყარო შემოსავლისა? და რას წარმოადგენს თვით ეს შემოსავალი?

მემამულის შემოსავალს ეკონომიურ მეცნიერებაში ეწოდება რენტა. ყოველ ეკონომიურ წყობილებაში ეს შემოსავალი ანუ რენტა განსაკუთრებითი ფორმას ღებულობს. რო-

\*) მემამულეს ჰვენ ვუწოდებთ ისეთ პირს, რომელიც თავის ღირსებისამებრ ცხოვრობს მამულის შემოსავლით და თვითონ ფიზიკურათ არ მუშაობს. დანარჩენ მეთურნებზე ქვეით გვექნება ბაასი.

ცა შემოსავალი იხატება მიწის ნაწარმოებში, როგორც ეს იყო წინეთ და დღეს ჩვენში არის, მაშინ მას ეწოდება დალა, ანუ ნატურალური რენტა. ხოლო როცა ის ფულში იხატება, როგორც ეს დღეს ევროპაშია, მაშინ მას ეწოდება პირდაპირ რენტა. ჩვენ აქ ორივე მცნების აღსანიშნავათ ვიხმართ რენტას.

რა ეკონომიურ კანონს ემორჩილება რენტის მოძრაობა? პირველ ყოვლისა გავიგოთ მისი დასაბამი.

ყოველი შემოსავალი, რა ნაირი სახელიც უნდა ქვიოდეს, რამე საგანია, საქირო საქონელია. ხოლო ყოველივე საქონელი ადამიანის გაკეთებულია, შრომის ნაყოფია. მაშასადამე რენტაც შრომის ნაყოფი უნდა იყოს. ავიღოთ მაგალითი. მე მამული მაქვს და მსურს იჯარით გავცე. მოდიან მუშტრები, იმართება ვაჭრობა, მე ვცდილობ მეტი ავიღო, ისინი ცდილობენ ნაკლები მომცენ. ეს ერთნაირი ბრძოლაა და ვინც უკეთ შეიარაღებულია—ის იგებს. მე, როგორც შეძლებული, რასაკვირელია, ღარიბ მუშტრებს ჩემს პირობებს დავუდებ და ვეტყვი: იფიქრეთ, თუ ხელს მოგცემთ აიღეთო. მაგრამ ისეთ პირობას კი ვერ დავუდებ, რომ მთელი მისი ნაშრომი მე მომქონდეს, რადგანაც ამ შემთხვევაში მათ საქმელი აღარ ექნებათ და მაშასადამე ვეღარც იმუშავენ. ვერც ისინი დაიღებენ ისეთ პირობას, რომ მთელი მოსავალი მათ მოინდომონ, რადგანაც მიწა ჩემია (მონობოლია) და ცხოვრებაც ღირსებასამებრ მინდა. ჩვენს შორის დადებული პირობა იქნება ამ ორი ლტოლვილების ნასკვი, ე. ი. მუშამ თავიც უნდა ირჩინოს და მეც მარჩინოს. ეს შრომა, რომელიც მას უნდება თავის სარჩენათ და რომლის ნაკლებ მას არსებობა აღარ შეეძლება—არის აუცილებელი შრომა, ხოლო ის შრომა, რომელიც მიწის პატრონის რჩენას უნდება—არის ზედმეტი შრომა. ცხადია, რენტა, ნატურალურია იგი თუ კაპიტალისტური, შეიცავს ამ ზედმეტ შრომას. ეს თვალსაჩინოა ბატონყმობაში, აქ პირდაპირ დაკანონებულია, ყმა კვირაში, მაგ., სამი დღე უნდა იმუშაოს ბატონისათვის, მას მოუხნას, მოუთესოს, მოუმკას, მოუთიბოს და სხ. სამ დღეს მუშაობს თავისთვის და ამით ოჯახს ინახავს, აუცილებელი და ზედმეტი შრომა აქ ერთი მეორისაგან განშორებულია და მით აშკარაა. დღეს კი ისინი ასე დაშორებული აღარ არიან ერთმანეთისაგან და ამიტომ არც ისე ადვილი დასაწახვია. კაცს ჰგონია, თუ დღეს მანეთს ვიღებ ქირას, ალბათ მეტი არ ვღირვარო, ე. ი. მანეთის საქონელს ვაკეთებო. ეს რომ ასე იყოს, მაშინ „თხა ვიყიდე, თხა გავყიდე, მოსაგები ვერა ვნახე“—გამოვა და ამას, რომელი სულელი იზამს. ნამდვილათ კი მანეთიანი მუშა მანეთზე მეტს აკეთებს და ეს მეტი არის პატრონის მოგების წყარო. ამ ზედმეტი შრომის ნაყოფს ეწოდება ზედმეტი ღირებულება და აი ეს უკანასკნელი ნაწილი სხვადასხვა ჯგუფთა შორის (მექარხნე, ვაჭარი, მემამულე, ინტელიგენტი და სხ.). მაშასადამე, ზედმეტი შრომა ყოფილა ის ჩარხი, რომელიც ამოძრავებს ისტორიას. იმ ხალხში, სადაც შრომა იმდენათ ვერ განაყოფიერებულა, რომ ზედმეტი შრომა წარმოიშვას (ველურები), იქ, არც კლასებია, არც კულტურა და არც წინსვლელობა შეიძლება. აქედან, თუ კი მიწათმფლობელის შემოსავალი მატულობს იმდენათ, რამდენათ მატულობს ერის კულტურული განვითარება, ხოლო ამ განვითარების მიზეზი კი ზედმეტი შრომის განვითარებაა, ცხადია რენტის განვითარების მიზეზიც ზედმეტი შრომა ყოფილა.

ზედმეტი შრომა არის დასაბამი რენტისა.

მარა, ზედმეტი შრომა ქმნის არა მარტო რენტას, არამედ კაპიტალსაც, არა მარტო სამეურნეო ნაწარმოებს, არამედ საფაბრიკოსაც რით განიჩევა ეს ორი პროცესი ერთ-

მანეთისაგან? ავიღოთ მაგალითი. ვთქვათ ერთ ქვეყანაში ჩექმების ყველა ფაბრიკა ორთქლის შემწეობით მუშაობს. თითო წყვილის დამზადება ჯდება 4 მ., ზაზარზე 1 მ. წყვილზე იგება მანეთი. მოვიდი ახალი ფაბრიკა, რომელიც მონახა წყალვარდნილი, გააკეთა იქ ფაბრიკა და ორთქლის მაგიერ ეს ბუნებრივი ძალა იხმარა. ამ შემთხვევაში მას ხარჯი, რასაკვირელია, ნაკლები ექნება, ხოლო ძალა კი ორთქლზე მეტი. შრომა აქ ნაყოფიერდება, ნაკლები მუშათ აკეთდებ იმას, რაც სხვა ფაბრიკაში მეტათ კეთდება. მაშასადამე დღის ქირაც ნაკლები გადის, ზედმეტი შრომა აიწია. ამისათვის წყვილი ჩექმები ჯდება 3 მ., ფასია ზაზარზე 1 მ. წყვილზე იგებს მანეთის მაგიერ 2 მ. ზედმეტი შრომა ბუნებრივი ძალის შემწეობით (რომელსაც, როგორც ვიცით, ფასი არ აქვს და არც ქონებია) 2 მანეთის ზედმეტ ღირებულებას ქმნის და პატრონი სხვა მის მეტოქეებზე ორჯერ მეტს იგებს. მაგრამ ამ დროს მოდის წყალვარდნილის პატრონი, მიწის მფლობელი, და თავის უფლებას აცხადებს: შენ ორ მანეთს იგებ ჩემში საკუთრების წყალობით, უამისოთ კი მანეთს მოიგებ, როგორც სხვები, მაშასადამე ის ზედმეტი მანეთი ჩემი უნდა იყოსო, თუ არ გნებავს მიბძანდით. ფაბრიკანტი ძალაუფლებურათ თანხმდება (შენობებს ხომ ვერ აყრის) და ამ ნაირათ მოგებაში იზიარებს მემამულესაც. თავის ზედმეტ მოგებას (1 მ. აუცილებელი მოგებაა, მეორე მან. კი ზედმეტია) აძლევს მას. და ასე ზედმეტი შრომის ნაყოფი ნაწილდება ამ ნაირათ: ნახევარი მიაქვს ფაბრიკანტს, როგორც მოგება, ნახევარი კი მემამულეს, როგორც რენტა.

მაშასადამე რენტა არის განსხვავება ჩვეულებრივ მოგების და ზედმეტ მოგების შორის, თუ პირველია 1 და მეორეც 1, რენტა იქნება 1, თუ პირველია 1, მეორე 2, რენტა იქნება 2 და სხ. ამ განსხვავებას იწვევს ბუნებრივი ძალა (მიწა, წყალი და სხ.), რომლის შემწეობით შრომა ნაყოფიერდება, ზედმეტი შრომა მეტ ზედმეტ ღირებულებას ქმნის. ხოლო ეს ბუნებრივი ძალა კი მიწის პატრონთა მონობოლიაა, მას სურვილისამებრ ვერ გაამრავლებ და სწორედ ამით სარგებლობენ ისინი.

ჩვენ ზემოთ მოვიყვანეთ მაგალითი, როცა მანების წარმოება იწვევს სამეურნეო ნაწარმოების გაძვირებას და აქედან რენტის მომატებასაც. აქაც იგივეა. თუ წინეთმიწათმომქმედი ქცევაზე (გებდა 10 მ. (რენტის გამორიცხვით), ახლა იგებს 15 მ., ცხადია ეს 5 მ. ზედმეტი მოგებაა და როცა მემამულე თხოვს ამდენსავე მომატებას, ის ანგარიშობს: ჩემი ჩვეულებრივი მოგება თუმანია, თუ ეს დამრჩა—ესეც ეყოფა ჩემისთანა საწყალ კაცსაო. ზედმეტი მოგება—5 მ.—გადადის რენტაში. აქაც რენტის აწევა გამოიწვია მიწის მონობოლიამ, მისი გაამრავლება არ შეიძლებოდა, ხოლო მოთხოვნილებამ კი იპატა. ვთქვათ, მოთხოვნილების აწევამ გამოიწვია ახალი მწირი ადგილების დაუშავება. ასეთ ადგილზე შრომა მეტი უნდა, ამისათვის აქ მოამუშავებული ნაყოფი მეტათ ღირს, ვინემ ნოყიერი ადგილების. ამისათვის ზაზარზე ის უნდა გაიყიდოს დაუშავების ფასებში მაინც, თუ მეტი არა. ხოლო თუ ასეთ ფასებს აძლევენ, ცხადია მოთხოვნილება დიდი ყოფილა და მაშასადამე, ნოყიერი ადგილების ნაწარმოებიც ამ ფასებში გადიან. ამ შემთხვევაში რენტა იქნება განსხვავება ნოყიერი და მწირ ადგილებიდან დარჩენილ მოგებას შორის. თუ უკანასკნელი მიწის, მაგ., ფუთა 1 მიმინდი დაჯდა 50 კაპ., ხოლო ნოყიერი მიწის 30 კაპ. (რენტის გამორიცხვით) და ორივე ათ შაურათ იყიდება, ცხადია უკანასკნელის მოგება იქნება 20 კ. და თუ ამაში იჯარაღარის ჩვეულებრივი მოგებაა 10 კ., ზედმეტი მოგება იქნება 10

კაბ. და ეს გადავა რენტაში. მწირი მიწის პატრონი კი რენტას ვერ იღებს, რადგან მისი მიწა იმდენათ ცუდია, რომ პირველ ანებში მოგებას არ იძლევა ან იძლევა ძლიერ ცოტას. თუ მოთხოვნები კიდევ იმატა და საჭირო გახდა უფრო მწირი მიწის შემუშავება, ამ შემთხვევაში ამის ხარჯები საზღვრავენ პირველი ორი მიწის ნაყოფის ფასებს და რენტაც მატულობს თანახმად მოყვანილი კანონისა.

როგორც ხედავთ აქ რენტის აწვევის მიზეზი მაზანდის აწვევაა. სამეურნეო ნაწარმოები იყიდება არა თანახმად შიგ მოთავსებული ზედმეტი შრომისა, არამედ გაცილებით მეტათ. ეს გარემოება ბადებს „ყალბ სოციალურ ღირებულებას“. აქ ფასების გამსაზღვრელია სოციალური მდგომარეობა საზოგადოებისა, ე. ი. განვითარება მრეწველობისა, გამრავლება არა-მეურნეთა რიცხვისა და სხვ. გამოდის, რომ საზოგადოების ერთი ნაწილი მეტს იხდის საქმელ-სასმელში, ვინემ ეს უკანასკნელი ღირს და ეს „მეტი“ მიდის არა საზოგადოებისავე, არამედ კერძო პირთა — მემამულეთა ჯიბეში.

რაც აკლდება პირველს, ის ემატება მეორეთ. და ეს იმიტომ, რომ წარმოება ხდება უბლანოთ, რომ წარმოება არაა საზოგადოების მიერ გაწესრიგებული.

რენტის აწვევა შეიძლება მაშინაც, როცა სამეურნეო ნაწარმოების მაზანდა დაწეულია. ამ შემთხვევაში მიწის მეიჯარე მეცადინეობს ნიადაგის განაყოფიერებას, გაუმჯობესობას (მელიორაცია) და ამით შრომის განაყოფიერებას. თუ წინეთ, მაზანდის დაწევამდის, ერთ ქვევა მიწაზე 30 ფუთი სიმინდი მოდიოდა, ახლა მელიორაციის საშუალებით მოდის 40—50 ფ. თვითეული ფუთის მომუშავება დაჯდა გაცილებით უფრო იაფათ და ამიტომ დაწეული მაზანდაც მეტ შემოსავალს იძლევა. ამ მეტში მონაწილეა მემამულე და ეს გაუმჯობესებული ნიადაგიც საიჯარო ვადის გასვლის შემდეგ მას რჩება... ახალი იჯარაიდარი მეტ რენტას აძლევს მეპატრონეს, რადგან მისი მამული გაუმჯობესებულია, თუმცა ამ გაუმჯობესობაში მას (მემამულეს) არაფერია მონაწილეობა არ მიუღია. შეიძლება ყველა ეს პროცესი ერთ და იმავე დროს მოხდეს, მელიორაცია, ბევრი მიწების დამუშავება და აქედან მაზანდის დაცემა. ამ შემთხვევაში რენტა უნდა დაიწიოს, მაგრამ არა ხანგრძლივით, რადგან კაპიტალისტები (ან თვით მემამულენი) სამეურნეო ნაწარმოების გაიფებით წახალისებულნი მართავენ ზავოდებს სპირტის, შაქრის, ლუდის და სხ. და ამით მოთხოვნილება პურის, ქერის, ქარხლის და სხ. იზრდება. ხშირათ ასეთ მეზავოდე სახელმწიფო პრემიასაც უნიშნავს და თავის მხრით ახალისებს. ამას კი მოსდევს რენტის აწვევა და სათანადო დონეზე გაჩერება. მეორე მხრით, თუ მაზანდის დაწევის მიზეზი უცხო მეურნეთა კონკურენციაა, მაშინ მემამულენი მეცადინეობენ სადამოყრეო წესები შესცვალონ, უცხო ნაწარმოებს დიდი ბაჟები დაადან და ასე ხელოვნურაა შიგნით საქმელ-სასმელის სიძვირე ჩამოაგდონ. ასე მოიპოქმედეს წელს გერმანიის მემამულეებმა.

რენტის დაწვევა შეიძლება მაშინაც, როცა სოფლის ხალხი თანდათან ქალაქებს ეტანება, სოფელში მუშა ძვირდება და მამულის მეიჯარეთა რიცხვი კლებულობს. ამ გარემოების მიზეზია მრეწველობის განვითარება, სამრეწველო მუშის დღის ქირის მომატება, სოფლის იურიდიულ-ბატონური შევიწროება და ქალაქური თავისუფლების უპირატესობა და სხ. ერთი სიტყვით როცა სამრეწველო საქმეებით მეტი ფული შეიძინება, უკეთ იცხოვრება, მეტი უფლებები იძინება, ვინემ სამეურნეოთი და მეურნეობაში. ამიტომ მემამულეთა ინტერესია ამ პროცესს გადაელონ, სოფლის კაცი სოფელს მიაკრან, გარეთ არ გაუშვან და მით მისი დღის ქირა დასწიონ.

თუ ეს ვერ მოახერხეს, მაშინ იძულებული იქნებიან მაზანები შემოილონ, ტენიკა გააუმჯობესონ, მამულის დამუშავება თვითონ დაიწყონ, ბაჟები ასწიონ და ასე რენტა გაიძლიერონ, ან და მამულები ბანკში შეიტანონ და სრულიად გაყიდონ, რომ მით კრიზისი გადაიტანონ. მაგრამ ეს კრიზისი დროებითია, რადგან მრეწველობის განვითარება გააძლიერებს სანოვანის მოთხოვნილებას მთელი თავისი შედეგებით (იხ. ზემოთ). გარდა ამისა მრეწველობის საშუალებით კაპიტალი მრავლდება, ფული იაფდება, პროცენტი დაბლა იწვევა. ამ შემთხვევაში ფული ზურგს უბრუნებს მრეწველობას და ეძებს ახალ გამოსარჩენ დარგებს. ერთი ასეთი დარგთაგანია მეურნეობა. ფული აწვევა მეურნეობას, სადაც ცოტა მოგებითაც კი კმაყოფილდება, ხოლო დანარჩენი ზედმეტი მოგება, როგორც ზემოთ გავარკვეეთ, გადადის რენტაში. ცხადია, რენტა ძლიერდება მაშინაც, როცა ფული იაფდება და სარგებელი კლებულობს. მაშასადამე ამ გარემოებასთან შეკავშირებული „ყალბი სოციალური ღირებულება“ ერთიანათ, როგორც ზევით ვთქვით, გადადის რენტაში და არა იჯარაიდარის მოგებაში.

ამ გვართ ჩვენ აქ ავსუხვით რენტის აწვევ-დაწვევის უმთავრესი კანონები, რომელნიც მომდინარეობენ მიწის მონოპოლიიდან. ეს კანონები მთელი თავისი სავსებით მოქმედებენ განსაკუთრებით კაპიტალისტურ მეურნეობაში, ე. ი. იქ, სადაც მეურნეობას უყურებენ როგორც მოგების წყაროს და იჯარაიდარი ფულიანი კაცია. მისი ინტერესია ფული მოიგოს, ხოლო ამ მოგების რაოდენობა განსაზღვრულია ფულის ბაზრით. თუ ფული საზოგადოთ ნ პროცენტს იგებს, მაშინ ჩვეულებრივი მოგებაც ექვსი პროცენტი და კაპიტალისტი-მეურნე ამას ჯერდება. ხოლო ზედმეტი მოგება რენტათ იქცევა. ამ შემთხვევაში ჩვეულებრივი მოგება საზღვრავს რენტის რაოდენობას. რადგან იჯარაიდარი არის შემთხვევაში არ დათანხმდება ჩვეულებრივი მოგებიდან მოიკლოს და რენტას მიუპატოს. და თუ მემამულე ძალას აიტანს, მაშინ ის თავს ანებებს მეურნეობას და თავისი ფული ისევ ვაჭრობა-მრეწველობაში გადააქვს. ეს კი აიძულებს მემამულეს ფულის ჩვეულებრივი მოგება იცნოს რენტის საზღვრათ \*).

რენტას შეუძლია დაეპატრონოს არა თუ ჩვეულებრივ მოგებას, არამედ იჯარაიდარის ჯიბესაც იქ, სადაც მეურნეობა კაპიტალისტურათ არ წარმოებს, სადაც მეურნეობაში არაფერია ბუხალტერიული ანგარიში არ არსებობს, იჯარაიდარი მუშაობს თვითონ, ამუშავებს ცოლს, შვილებს — მთელ ოჯახს და არც კი იცის რას იგებს, ან რას აგებს. ის მიწას უყურებს, უმთავრესათ, როგორც თავის რჩენის წყაროს და თუ დიდის გაჭირვებით თავს კი ირჩენს, მეტს არ დაგიდევს. აქ რენტა ყოველად შემძლებელია, ის ბრძანებლობს და საზღვრავს იჯარაიდარის მოგებას. ასეთი მეურნეობაა გამეფებული უკან ჩამორჩენილ ქვეყნებში.

ამ სახით, კაპიტალისტურ მეურნეობაში იჯარაიდარის ჩვეულებრივი მოგება საზღვრავს რენტის რაოდენობას; არაკაპიტალისტურ მეურნეობაში რენტის რაოდენობა საზღვრავს იჯარაიდარის ჩვეულებრივ მოგებას.

ამ უკანასკნელს ვრცლათ გავარკვევთ შემდეგ წერილში.  
გ. მარშალაძე.

\* ) ამ ანგარიშით ხელმძღვანელობს მემამულეც, როცა თვითონ აწარმოებს თავის მამულს, რაც ერთობ იშვიათია. ის საერთო მოგებიდან გამოდის დაბანდული ფულის ჩვეულებრივ, ფულის ბაზრით განსაზღვრულ მრგებას. დანარჩენი იქნება რენტა.

სხვადასხვა ამბები.

საბეთალო უწყება აღნიშნავს, რომ საქონლის ქირის აცრა ბორჩალოს მაზრაში დღემდისაც არ დასრულებულაო, სულ აუცრიათ 20,000 სული საქონლისთვის.

• სოფელ ძველსა და ახალ გავაზში (თელავის მაზრა) საქონელს თურქული გამსენია.

ღამის თავშესაფრებს დიდი ხალხი მიაწყდა ამ ბოლოს დროს. დიდუბის თავშესაფარში ამ უმად ორასამდე კაცია თურქე თავმოყრილი, ამათში ოთხი ოჯახია წვრილშვილებით, ერთი ოჯახი ინტელიგენტი ყოფილა. ბევრს აქ მყოფს დღიურ სამუშაოდ სიარულიც არ შეუძლია, რადგან ზოგს ტანთ არ აცვია, ზოგს—ფეხთ.

შეწირულებანი, რა თქმა უნდა, დიდად გაუადვილებდა გაქირვების ატანას ლარიბებს.

თფილისის ვაჭართა საზოგადოებას გადაუწყვეტია საკომერციო სასწავლებელში ათი სტიპენდია დააარსოს, თითო 12 თუმანიანი წელიწადში. ეს სტიპენდიები ადგილობრივ ვაჭართა უღარიბეს ოჯახის შვილებს მიეცემათ.

რედაქციამ მიიღო: 1) Отчетъ о дѣятельности Совета съѣзда, избраннаго на III съѣздѣ марганцево-мышленниковъ. 2) Къ вопросу о мѣрахъ къ развитію ферромарганцеваго производства въ Россіи. 3) Статистика марганцеваго дѣла. რედაქცია ამ წიგნების შესახებ თავის აზრს გამოთქვამს.

ღღეს ჩვენს ვაზეთში იბეჭდება განცხადება ბ. გ. ჩარკვიანის მიერ გამოცემულ ქართულის კედლის კალენდრის შესახებ. უნდა ვაუწყოთ მკითხველებს, რომ კალენდარი სინდისიერათ არის შედგენილი, კობხათ და ლამაზათ არის გამოცემული. ეს კედლის კალენდარი სხვათა შორის მითაც განსხვავდება სხვა უგემურათ გამოცემულ კალენდრებისაგან, რომ შეიცავს ცნობებს მაჰმადიანთა და ებრაელთა უქმეებისა და ღღესასწაულების შესახებ, რაც, უეჭველია, დააინტერესებს ქართულის მკოდნე ებრაელებს და მაჰმადიანებს.

უმრამდელს ფურცლების უკანა გვერდზე დაბეჭდილია სხვადასხვა საყურადღებო ამბები და შენიშვნები.

კალენდარი ღირს ორ აბაზათ.

ჩვენმა რედაქციამ მიიღო ქართული ზღაპრები, შეკრე ბილი და გამოცემული ი. მერკვირიძის მიერ ორ პატარა წიგნაკათ. პირველ წიგნაკაში ერთი ზღაპარია, მეორეში ორი. პირველი წიგნაკი ღირს ერთ შაურათს, მეორე ორ შაურათს. წიგნაკები კარგ ქალაღზეა დაბეჭდილი და სუფთათ არის გამოცემული.

კორესპონდენციები.

საჩხარა. 23 კენისთვეს შორაზნის მაზრის სახალხო სკოლების ინსპექტორთან ერთად აქაურმა საზოგადოების წარმომადგენლებმა შეიმუშავეს მოსვალის სამოქალაქო სკოლის განახლება. აღნიშნულია მუხლები: 1) ეთნოგონ მთავრობას განსნას სახსრებში ოთხკლასიანი საქალაქო სასწავლებელი და მიეცეს მას საზინიდან შემქვებათ 2,000 მან. 2) იმათ შეიღებს, ვინც ხარჯში მონაწილეობას მიიღებს, სასწავლო ქირა 14 მან. გადახდეს, ხოლო სსუებს—20 მან. 3) თუ ამ გადასახადიდან იმაზე ნაკლები ფული

შემოვიდა, რაც სასწავლებლის შესახსით საჭიროა, მაშინ დასჯი- სი ფული საზოგადოებამ შეავსოს და 4) შენობის ასაგებათ ხება დაკრთოს ხელის მოწერის გამართვისა. მას შემდეგ კენისთვიდან გვინდა სკოლა კვჭანდეს, ახლავე უნდა შეკუდკოთ საქმეს, თორემ დროზე არ მოსწრება, რადგან განახენს დიდი გზა აქვს გასაკლები, რომ სანამ სრულ დამტკიცებას მიიღებდეს. ეს სკოლა იმდენ ხარჯს არ მოითხოვს, რამდენიც ბავშვების შე- სანახათ ქუთაისში უნდებოთ აქაურებს. რაც უნდა დარბუღათ შეი- ნახოთ ბავში ქუთაისში, ასი მანეთი მაინც დასჭირდება წელიწადში. აქ წლიურათ ორი-სამი მანეთი შეხედება თითო გლეხს ხარჯი. იმის ნახვევრიც არ დასჭირდება, რადგან სოფლები სახალხოვე სასწავლებელს. 17 ნოემბერს აქაურმა მომრიგებელმა შუამავალმა შეჭკრება ჩინის სა- ზოგადლება და გამოუცხადა, ჩინის ერთკლასიანი სასოფლო სკო- ლა ორკლასიანთ გადაყვითოთ და იმის შესახებ განახენიც შევა- დგინოთო, მარა საზოგადოებამ ცივი უარი უთხრა. ნათქვამია «ერთი ცრულის დაკრთო სე არ წაიქცევას». არც ერთხელ შეკრებით გაკეთ- დება ამგვარი საქმე. საჭიროა კიდევ რამდენჯერმე შეკრება და ასნს ხალხისთვის ორკლასიანი სკოლის მნიშვნელობისა და საზინის მხრით რამდენი იქნება შემქვება, მაშინ საქმეც სასურველათ დაგვირგვინ- დება. აქაურ ორკლასიან სამრეკელ სკოლის მასწავლებლებს ეპარ- ქიის მეთვალყურისაგან დაკვალათ იანგრიდან სახალხო კითხვების გამართვა სკოლის შენობაში უოკულ კვირას. სხეობრაი შინაარ- სიან წიგნების კითხვის გარდა, წაკითხული იქნება სხვადასხვა წიგ- ნებიდან ცნობები სამეურნეო საგნებსა და ბუნების მოკლენებზე. შემდეგ, იმეღია, საკვიროს სკოლის განსნაც გადავიღებთ.

საყულიელი

ს. ჭაბანი. ბევრი ახსნა-განმარტება აღარ არის საჭირო, თუ რამდენად მიუცაღებელ საჭიროებას შეადგენს და რამდენად მნიშვნელოვანია, უფასო წიგნთ-საცავ-სამკითხველო. ჩვენ განვიზრა- ხეთ ხელი შეუწყოთ, რამდენათაც ჩვენგან მოსახერხებელი იქნება, ჭაბანის საზოგადოებაში სამკითხველას დაარსებას. ნება-რთვა უკვე მისათაა. სამკითხველო იქნება მოთავსებული საზოგ. საშუალო ად- გილს და შენობის აგებას ახლო მომავალში შეკუდკებით. შენო- ბისათვის 15 მ. საჭირო მასალა შემოსწირა ბ. სერებრაკავმა. საჭიროა წიგნები და ფული. ჩვენ სრული იმედი გვაქვს, რომ ჭა- გნის ახალ-გაზღობა, რამდენიც, ზღამათ არის სხვადასხვა ქალა- ქებში და რომლებსაც ანტერესებს თავიანთი მოძმეების წინმსვლე- ლობა, განვითარება და კეთილ-დღეობა, თანაგრძობით მიეგებება ამ ჩვენ მოწოდებას და არ დაიშურებს მცირეოდენ წვლილს ამ გულ- ტურულ დაწესებულებისათვის. ადრესი: სატმრეღია. ჭაბანის უფა- სო წიგნთ-საცავ-სამკითხველოს.

გრ. ურატაძე.

რუსეთის ცხოვრება.

ეასანის გაზეთები იუწყებინ, რომ სამარის გუბერნიის ნი- კოლაევსკის სამეურნეო მრეწველობის საჭიროებათა გამოიკვლევე კო- მიტეტის სხდომის განსნის დროს, თავმჯდომარემ (მაზრის ია- ვადანაურთა წინამძღოლმა) გამოაცხადა რომ კრებები სალხის და- უსწრებლათ უნდა მოხდესო. საკრობო სმოსანმა მრტოპოპოვმა, რომელსაც მოხსენება უნდა წარედგინა, შენიშნა რომ ამ გვარი კრე- ბები სალხის დაუსწრებლათ უოკლათ შეუძლებელია და კომიტეტ- ში შეშობას თავი გაანება. მის მაგალითს მიეყენ საზინის წარმო- მადგენელი ბ. ზუბოვა, კაცთმოყვარე საზოგადოების მამულების გამეკ ბ. ბობროვი და სამეურნეო საზოგადოების წარმომადგენელ- ნი ბბ. შედგედვი, რასმანინი და ორი გლეხი. — „ოდესის კრადონახანნიკის უწყებაში“ დაბეჭდილია: 2 იანვარს ოდესის საზერობილეში მამაკაცთა გასყოფილებათი არეული-

ბა დაიწყო, დარბებამ არ გასტყდა. სანერობიდან მდგომარეობა ჯერ-  
რველები ესროლეს. ერთი ტუსადი მოკლულა, ერთი დაჭრალი.  
გამოწვიეს ორი როტა სალდათებისა. წესიერება აღდგინდნენ.  
3 ანგარს მონდა არეულობა სანერობისა ქალთა განყოფილებაში.  
გამოწვიულმა ჯარმა ორჯერ თოფები ესროლა. ერთი ქალი მოკ-  
ლულა. წესიერება აღდგინეს.

— გასულ წელს გუბერნატორების განცხადებით 82,326  
სასადგურ-გარეთ გასასვლელი ხისხორტი გაუღიათ. ეს რიცხვი  
1901 წლის რიცხვს 5,2% აღემატება. მარტო ზეტერბურგის გუ-  
ბერნიაში გაუღიათ მთელი რიცხვის 21,6%, მოსკოვში 11,6%.

— ზეტერბურგის განდინახდინებამ ებრაელ ქალს კერა რთუ-  
ვლობის ზეტერბურგიდან გადასახლება გადაუწყვიტა. ეს განახენი  
რთუვლობის განახიფარა სენატში, ვინაიდან მას, როგორც უმა-  
ღლეს სასწავლებელში კურს დამთავრებულს, განიბით ნება აქვს  
მთელ იმპერიაში სდაც უნდა, იქ იცხოვროს. ათ დეკემბერს სხდო-  
მაზე სენატმა დაადგინა შეპიეროს ქ-ნ რთუვლობის გადასახლება.

— ტულაში ბოქსული უფაროვი ორი თავისი თანამშემოთ და  
ორი გოროდოვი მივიდა ვაჭარ ღიმინადის სახლში და მის შვილს  
(მამა შინ არ იყო) სტოლის გასადღები მოთხოვა. შვილმა უარი  
უთხრა. მამის ბოქსულმა გასადღების ძალით წართმევა მოუნდამა და  
სკლზე ურჩ ღიმინადს ძალზე დაარტყა. ამ დროს შემოვიდა მამა.  
იმან მოთხოვა ბოქსულს მოწერილობა, რის ძალითაც ის სახლს  
უხსრეკდა. ბოქსული დახირდა მოწერილობას განხრევის შემდეგ გი-  
ჩვენებდა და კხლა თუ გასადღებს ნებით არ მამცემ ძალით წაგართ-  
მევა. უჯრდამა გასადღები სქელთ იგდო, მაგრამ რადგანაც ერთი  
უჯრის გასადღები დაარტყელიყო, სტოლის სკელა იფიჯა და აკლავდა.  
გადსიხრდა სსვადსხვა ქადაღლები და ვაჭრის ზეთურების სკელ-  
მოწერილი ვეჭვილები თან წაიღო. ღიმინადმა განმეორებით თხო-  
ვა მისვენე მოწერილობა, მაგრამ ჩვენების მავიერ ბოქსულმა ასე  
უპასუხა: „შენ მე ვერ მასწავლი, აკერ თერთმეტი წელიწადია, რაც  
ბოქსულთან ვარ, და ვინც როგორ მოვიტყუე!“

ღიმინადმა ბოქსულს ოქვის სასამართლოში უჩივლა. სასამარ-  
თლომ გადაწვიტა უფაროვს სვედური გამოცხადდნო.

— ახრათა აქვთ რუსეთის შიდა გუბერნიებში დაწესონ სა-  
მუშაო ბირჟა.

— როგორც „ოდეს. ნოვ“ იუწყებიან, ოდესის საზღვარ-  
ლო ოქვის მხრუნეულის თხოვნა ოდესში ქალებისათვის უმაღ-  
ლესი ზედგოგიური კურსების დაარსების შესახებ შეწყნარებულ  
იქნა და ახლო მომავალში კურსებიც გაიხსნება. კურსებზე ისტო-  
რიული სიტუაციების, მატემატიკური და უცხო ენების განყოფი-  
ლებები იქნება. კურსებზე მიიღებენ, ვისაც საშუალო საქალებო  
სასწავლებელი აქვს გათავებული და ვინც იმდენი ფრანგული და  
ნემეტური იცის, რამდენსაც საქალებო გიმნაზიებში ასწავლიან.

— „საკატ. დნ.“ შემდეგ შემამრწუნებელ ამავე მოკვითს-  
რბის. სოფ. ო. ბალაშოვის მხრამში ცხოვრებს გლეხი მ. მ—ვი,  
რომელიც შეტისშეტათ ღვთობს. ერთსულ, დეკემბრის ზირველ რიც-  
ხებში, მასთან მივიდა ხანობი. გლეხი გ. რ—ვი, მაგრამ კარები  
შიგნიდან ჩაკეტილი დაუხვდა. დიდი ხნის რაუნის შემდეგ, რო-  
გორც იქნა, კარები გაადო გაფიარებულმა და შიშისკან აცხრდა-  
ნებულმა ბავშვმა. რა შევიდა სახლში თვალ-წინ შემდეგი შემად-  
რწუნებელი სურათი წარმოუდგა: ოცტაკზე უსიცოცხლოთ გდაა ი—  
ვის ცალი, რომლისთვისაც გამხრეებულ ქმარს ევლში თავსაფარი  
წაეჭირა, თავზე ფეხი დაუდგა და ისე სწევდა თავსაფარს ზევით...  
ბავშვმა უთხრა, რომ, როდესაც შენ დაარჯუნე; მამამ მითხრა, სა-  
ჩქაროთ დანა მომიტახეო, მაგრამ მე შიშისკან დანა არ მიუტახე  
და კარები გავადო. რ—მ გამოვლიჯა ხელიდან საბრალო ქალი,  
რომელიც კარეთ თოვლზე დადგა და მეზობლებს დაუძახა...

— რასა შერები, მიტროფანე, ჰა?  
— მინდოდა მომეკლა, მაგრამ არ დამახუტეს. ვერსა წამიჯა,  
სულ ერთი, შერეც მოვესწრები.

— არ იცი, რომ ციმბირში გიკრავენ თავს?!  
— მეც კე მანდა, იქაც ხალხი ცხოვრებს და აცა მხერები.  
უეჭვლათ ჩამოკანრბობ, აი, კარებზე ჩამოკვიდე და ვიტყვი: თავი  
თვითონ ჩამოიხრბოვა!..

ორი საათის შემდეგ საბრალო ქალს სიცოცხლის სიმსილი  
დაეკეთა. ჯერ ოდნავ ამოიკანესა და შემდეგ გულ-ამოიკანნილი ქვი-  
თინი მოხლო.

ძლიერ ავით არის ამ უამათ საბრალო, მეტათ დაშვებული  
აქვს ჰისერი, გული და მუცელი.

— რისთვის განხრბობდა?— შეეკითხნენ ქალს.

— აბა რა ვიცი... მითხრა— უკანასკნელათ ჭამ ამ კართ-  
ფადსაო. სხანს მეტს კვლარ მოესწრები, დროს საიქოცხვენ გაემ-  
გზავრავო. მე მეგონა მესუმრბოდა. ასე წინათც მეუბნებოდა  
ხლომე. სადილის შემდეგ დავეტა კარები, ბავშვები მალდა ტანტზე  
შესვა, მომხარდა მე და ხრბობა დამიწეო.

მიტროფანი დატუსადეს, მაგრამ ორი დღის შემდეგ ისევ  
ქუხასე დაუნახე არხენათ მოსვირენე.

— მიტროფანი მართლა გამოუშვეს?— შეეკითხე მე.— შერე  
რომ მოკლას ცალი?..

— მიტროფანს ახ მანეთზე მეტი სასოფლო ვალი მართებს.  
უნდა გადაიხადოს და ამიტომ გამოუშვეთ. მოკლავს თუ დაარხენს  
რა ჩვენა საქმეა.

— სასამ იუფს მოგცემდე, ხომ მოკლას ცალი!

— რასაკვირვლია. ცოლს ვი არა შეილებსაც გაწვიტავს.  
ვერ ხედავდი ამასწინათ როგორა სცემს!.. სულ მეღლის გადმო-  
ბრუნებს სცდილობდა. „ცოცხლათ უნდა გამოვწვას-გამოვიგონ-  
ვა“,— გაიძახდა. ბავშვები თოვლში ეისვასე კარეთ გამოყარა.  
გაიფინებოდენ საბრალოები, მაგრამ მეზობლებმა შეიფარეს.

— განა არ შეგიძლიათ რამე ისამყალოთ და არ მოაკვლვი-  
ნთ?

— შეიძლება არ მოკლას. თუ მოკლას ვი სასტიკათ დასჯიან,  
რადგანაც ეველამ იცის...

ამხანათ ერთი ქალის და ოთხი ბავშვის სიცოცხლე ბეწვზე  
ჰვიდა ამ ჯალათის სეღში...

— იურიევის უნივერსიტეტმა ასი წლის იუბილის გამო  
ამოიხრია სახელო წევრთა გრაფა დ. ნ. ტოლსტოი და მა-  
მა ითანე კროშტაკი ამ უამათ, როგორც გაზეთები იუწყებიან,  
მამა ითანემ უარი განაცხადა წევრობასზე, რაც ადვილათ მოსადო-  
დნელი იყო.

1902 წელი უცხოეთში.

ტრანსვალ-ორანჟეს რესპუბლიკის დაპყრობამ მადა გაუ-  
ღვიდა ინგლისის ბურჟუაზიას და ის უკვე შეუღდა მუდმივ  
ჯარის შემოღებას შინაურ და გარეშე მტრებთან საბრძოლოვე  
ლათ. ის დღეს ისე ძლიერათ გრძობს თავს, რომ ფიქრათაც  
არ მოსდის თავის ძალი-მომრეობის პოლიტიკას ფრთა შეაკვე-  
ცოს. ახლანდელი ინგლისის მართველობა დღეს განსაკუთრე-  
ბით ავიწროებს ირლანდიას. მისმა თვითნებობამ ამ შემთხვევაში  
ყოველსავე საზღვარს გადააბიჯა. მან ირლანდიისათვის განსა-  
კუთრებული კანონები გამოაცა, რომელნიც მხოლოთ მდი-  
დარ ფერმერების და მიწათმფლობელების ინტერესებს იცა-  
ვენ მშრომელი ხალხის წინააღმდეგ და უკიდურეს სილატა-  
კეში აგდებენ უკანასკნელთ. ამან გამოიწვია დიდი უკმაყო-  
ფილება ირლანდიელებში და რამდენიმეგან სერიოზულმა  
არეულობებმა იჩინა თავი. ამით ისარგებლა მთავრობამ და  
ირლანდია კონსტიტუციის კანონების მფარველობის გარეშე  
მყოფათ გამოაცხადა და განსაკუთრებული წესები შემოიღო,  
რომლის ძალითაც მსახულის ფუნქციები ადმინისტრაციის  
ხელში გადავიდა და ყოველი მცირე პროტესტისათვის სას-

ტიკი სასჯელია დანიშნული. მთავრობა კიდევ უფრო შორს წავიდა. ბურჟუაზიის წარმომადგენლებმა იქამდის მიადწიეს, რომ პარლამენტმა მცირეოდენი დროც კი არ დაუთმო ირლანდიის საქმეების განხილვას... ამკარა ინგლისელ ბურჟუაზიას ისე არ შეუძლია არსებობა, თუ არ ძალმომრეობით.

დ კოლხიდელი.

## ჩ ა ი ზ ე... II.

ასე რამ დაგაფიქრათ, ვასილ ვასილიჩ! დაეკითხა სტუმარი მასპინძელს!

— ო! თითქო გამოერკვაო, მიუგო მასპინძელმა.—საფიქრებელი ბევრი მაქვს, მაგრამ ეხლა ერთი რამ მიტრიალებს თავში. მგონი ამ მოკლე დროში ბაქოსკენ შემექნეს წასვლა.

— ეხ, ერთი შენცა! რაღა დროის ბაქოში წასვლაა ამ დღესასწაულებში, მერე წადით იანვარში. უქმეები კი აქ გემოხედ ვატაროთ, ახალ წელიწადს რაღა?!

— ეხ! უქმეები უქმეებია, მაგრამ საქმეც საქმეა და. არა, წასვლა კი არ შეზარება, ცოტა-ცოტათ გამოცოცხლდა მასპინძელი.—მეშინია, ვაი თუ რაზედაც შეზავნიან, ის რიგიანად ვერ შევასრულო.

— მაინც რა ყოფილა ისეთი.

— საქმე იმაშია, ბატონო, რომ ეხლა ჩვენ ქარხანაში ახალი მანქანა გვინდა შევიძინოთ. ჩვენ, რომ გვინდა მაგის მზგავსი აქ არსად არ არის. ბაქოში მოუტანიათ ერთ ადგილას და იმის დასათვალისწინებლად და რამდენად გამოსადეგი და ხელსაყრელი იქნება ჩვენი საქმისათვის იმის შესატყობად მგზავნიან. პატრონი, თითქმის ინჟინერს არ ენდო და მე გამომიძიჩია და თუ ღმერთმან ინება და რიგიანად შევასრულე, თვეში ორი თუმანი ზედ მეტი თუ გინდ ეხლაც ხელში მქონდეს!

— თქმა არ უნდა შეასრულებ, რა სალაპარაკოა. ნუ! შეასრულებ, შეასრულებ, ტუჩებ გაბუტყვით მიუგო გრიგორი მიხეილის ძემ, მხოლოდ ამ დღესასწაულებში კი ნუ წახვალ. ეხლა კი ერთი დარდის გასაქარვებლად ცოტა ვიბანქოოთ, ვითომ რას იტყვი?

— არაფერს, ოდნავ სიცილით მიუგო მასპინძელმა.

ბანქოს თამაშობა დაიწყეს. დიასახლისი სამზარეულოსკენ წავიდა.

ვილაკამ კარები დააკაკუნა.

— მობრძანდით, დაუძახა ვასილიმა.

კარები გაიღო და ოთახში შემოვიდა ასე შუა ხნის კაცი. ტანსამოსზე ეტყობოდა, რომ მოსამსახურე უნდა ყოფილიყო.

— ა... ვანო! რა ამბავია, მიეხმაურა მასპინძელი.

— ბატონი გაბარებთ.

— ქარხანაშია?

— არა, შინაა.

— ეხლავე...

— ჰეირი ჰა, ჩემო ძმაო, შენ რა სულმოკლე კაცი ყოფილხარ, მიუბრუნდა გრიგორი ახალ-მოსულს. მე ეხლა, ძმაო, მოგების გზას ვადექი, აი ჰხედავ რამდენი კოხირები მყავს და შენ კი სადღაც ქე ეძახი ჩემს მოპირდაპირეს.

— მე რა შუაში ვარ, ბატონო, იმართლა თავი მოსამსახურემ.

— შენ შუაში, შენ შუაში?! გაფანტულად მიუგო გრიგორმა.

— აღბათ მე რომ ეხლახან გეუბნებოდი, იმაზედ მიბა-

რებს, წამოიძახა ვასილიმა, ბანქო საჩქაროდ დაავლო და დაეცურდა. პაპიროსიკ პირში ჩაიდვა და ჯიბაში წუნწუნის კოლოფს ძებნა დაუწყა.—უკაცრავათ, გრიგორი, ჩემი მანქანა თან ეუბნებოდა სტუმარს. ჩემ მოსვლამდე რამდენ ხანს ვაროგორმე. მე ეხლავე მოვალ—დიდი, დიდი, ოცი წუთი ან ნახევარი საათი დამაგვიანდეს.

— რა ამბავია, ვასო, გამოილაპარაკა ანეცამ.

— არაფერი, ჩემო ძვირფასო, რაღაც ქარხნის პატრონი საჩქაროთ მიბარებს. მე ეხლავე მოვალ, სტუმარი ჩემ მოსვლამდე არ მოაწყინო, მე ეხლავე მე ეხლავე, თან ამბობდა ვასილი და თან ქუდს ეძებდა.

— არა, ჩემო ძმაო, ნაღვლიანათ წარმოსთქვა სტუმარმა, ისეთი ხმით, თითქო მამის სიკვდილი შეატყობინესო.—მეც სჯობიან ჩემს გზას ვაგუდგე. შენ როდის მოხვალ, ღმერთმან იცის. მე ვიცი იმ ახალ მანქანაზე გექნებათ სჯა-ზაასი და ხვალ დილამდე ღმერთმან მშვიდობით გაგათავებინოთ.

— არა, არა, ნუ ჩქარობ, გრიგორი მიხეილიჩ! მე ეხლავე ღმერთმანი, თამაშობა გავაგრძელოთ.

— მაშ ჩქარა თუ არ მოხვედი? თითქო განჩინებას უცხადებსო, მიუგო სტუმარმა,— იცოდე გავიქცევი. ქალებთან ჯდომა, მართალი გითხრა, ჩემო ძმაო, ბევრი არა მჩვევია. ჩემ ცოლთანაც მომეწყინება ხოლმე...

მასპინძელი საჩქაროთ გავიდა, სტუმარი სავარძელზე იჯდა, ხელში ბანქოს გროვა ეჭირა და ურევდა. დიასახლისი გულ-ხელ დაკრეფილი კუთხეში იდგა. ის იყო ასე ოცდახუთი წლის, საშვალოზე ცოტა მაღალი, კარგა შეთქვირებული ლამაზი ქალი.

ორთავეს სახე ეფითრებოდათ. სტუმარი ოდნავ აძაგძაგ და დააკვირვებით ქალს შეაჩერდა.

— ანეტა, ჩუმათ წარმოსთქვა მან?

— რა იყო, მიუგო ქალმა.

— რაღა რა იყო, ყოველთვის ასახსნელია? ვერა მხედავ? კაცი ლამის დავდნე.

ქალმა იქვიანათ შემოხედა. დამდნარზე არაფერი მიუგავდა, კარქა „შეტოცორებული“, ასე ოცდაათის ჯეილი იყო.

— ენას ძვალი არა აქვს, მიუგო ქალმა,—თქვენ სულ მასთე იცით! ქალს აედევნებით ცოფიანი ძაღლივით, გულს აუძგვრთ, სიყვარულს გაუღვიძებთ და თუ როგორმე პირუტყული მოთხოვნილების დაკმაყოფილება მოასწარით, უკან-მოუხედავათ გაიქცევით...

— ღმერთი, რჯული...


— სუთ, სუთ, კმარა! ყურები გამომეჭედა მაგ ნაირი სიტყვებით, იმ დღეს რათ არ მოხვედით...

— შენ თავს ვფიცავ, ჩემო ანგელოზო, ათროლოლებულათ წარმოსთქვა გრიგორმა და ქალისკენ გაექანა.

— სუთ-მეთქი, იქით დაიწიეთ, ფანჯარაში ვინმე შემოიხედავს. გრიგორი მიხეილიჩმა შემინებული ირემივით ფანჯრები აათვალიერა. ფანჯრებზე ყოველგან ფარდები იყო ჩამოფარებული და ვისიმე გარედან შემოხედვა საშიში არ იყო.

— ჩემო თვალის სინათლევე, ჩემო ანგელოზო! კანა ისე მიყურებ? ჩემო ძვირფასო. შენ ნახვას და შენ სიახლოვეს ყოფნას განა რამე მიჩვენებია ამ ქვეყნათ!? მაგრამ ხომ იცი შიში... შიში... და ქვეყნის შურიანი და ბოროტი თვალი. განა არ იცი, ჩემო ღვთაებავ, რომ გარეშე მაყურებლების ხარბ და შურიან თვალებს აღარაფერი გამოეპარება... მეშინიან... მეშინიან, ჩემო გულის კლიტევე... ამ სიტყვებით ნელა კისერში ხელი მოხვია ქალს. ქალი არ ეწინააღმდეგა და ორთავენი ერთმანეთს გადაეკონენ.

— ჰო, ვითომ მელერსები, ვითომ გიყვარვარ? მომღურავი კილოთი ეუბნებოდა ქალი.—გუშინ წინ არ დაგინახე,



გგონია გამომგებარე? ვილაღ სქელ-სქელ ქალს მიყვებოდი და ისე ვეუნტრუშებოდი ამ ჩემ თანჯრის წინ, თითქო მე მაჯავრებდი...

— აბა რაებს მეუბნები, გენაცვალე, ხომ არ მოგჩვენებია, რას ამბობ!! უიმისოდაც ეს არის კაცი გადავირიო და შენ კიდევ რა ნაირ სიტყვებს მეუბნები. რატომ არ დაიქცა ის დღე, მე შენ როცა პირველათ დაგინახე... ღამე არა მძინავს, სმა-ჭამა ჩემთვის გემრიელი არაა... უბრალო კაცის შებრალებაც არა გაქვს? გულში ქვა გიძევს? გულ-აჩვილიე-ბულათ დაუმატა გრიგორმა.

ქალმა არა მიუგო-რა, მხოლოდ კაცის მკერდს მიეხუტა.

— ჩემო ოქროვ, ჩემო აღმასო, წაბლის ფერ ხშირ თმაზე ხელ გადასმით გააგრძელია სტუმარმა.—განა არ იცი, განა არ იცი ქვეყნის შურიანი და ხარბი თვალი... განა არ იცი, სულიკო? ჯერ ერთი ჩემი ცოლი. უპ! რა იქვიანია, რა იქვიანია, ისეთი იქვიანია, როგორც ბებერი ურია? „პროკურორარია რაღა, პროკურორი“, ყოველ ფეხის გადადგმის ანგარიშს თხოულობს... მგონი კიდევ შეეპარა ცოტა ეჭვი... რაღაც საეშმაკოთ, გენაცვალე, ამ დღეებში შენი,—გენაცვალე, შენობით ვილაპარაკოთ! ქალმა ამღვრეული თვალებით ახედა და ოდნავ უღასტურა, კაცი დაეწაფა და ცხელ-ცხელი კოცნით დაუფარა ღამაში ღოყა-ტუჩები.

— დიან, გენაცვალე, რაღაც საეშმაკოთ შენი ქება შემცდა.—ეს რომელი ანეტა ყოფილაო, ოდნავ მაღლა ცხვირის აწევით, ცივად შენიშნა ჩემმა ცოლმა.—ჰო, ჰო, ვიცი, ვიციო, მე მაგას ვიციანობო. ცუდი არაფერი უთქვამს, მაგრამ შენი მტერი, სახეზე შევატყე, რომ „ინსტინქტმა“ რაღაც უსიამოვნო და საეჭვო გულში ჩასძახა.

— მისი ქმარი და მე გულითადი მეგობრები ვართ-მეთქი, ვუთხარი, იმან კი საორჭოფოთ ამათვალიერ-ჩამათვალიერა. მეც, რა თქმა უნდა, ავიბნიე და თუმცა საჩქაროთ სულის სიმხნვევ მოვიკრიფე და თამამი გამომეტყველება მივიღე, მაგრამ ერთ წამს სახეზე შეცვლა და ფრთხილად აქეთ-იქით მიხედვა საკმარისი იყო, მის გულს ეჭვის ბურუსი გარდაფენოდა. ბედზე, ამ დროს, ჩემმა ბიჭუნამ, ჩემმა პაწია გიგომ ისეთი ბლავილი მორთო აკვანში, რომ, მგონია, ჩვენი მევზოვე, გულ-ქვა არსენაც, დააფრთხო. დედა მაშინათვე შვილისაკენ გაექანა და მე ისე ოსტატურად გავაბი ღაპარაკი სულ სხვა საგანზე და ისე მივეალერსე, რომ შენი ამ ქვეყნათ არსებობაც დაგვიწყე... საშიშია, ჩემო სულიკო... მეშინიან... აგრეთვე ვასო! ვასო! ვაიმე, რამე ეჭვი თუ აიღო, ხუმრობა როდია, გენაცვალე, საცოდაობა დატრიალდება. სიფრთხილეს თავი არა ტკივა, ჩემო სიკოცხლევ, სიფრთხილეს!..

— ვასოს მაგისტანებისთვის არა ცხელა. მაგი არავითარ ეჭვს არ აიღებს. ის ძილშიაც მანქანებით ბოდავს...

— სიფრთხილე მაინც, გენაცვალე, სიფრთხილე! ცოტა გაქიანურებულათ ამბობდა სტუმარი და ქალს გულში იკრავდა.

— ჩემო გვრიტიკო, ჩემო გვრიტიკო,—ლულულულვდა ქალიც.

— ოხ! რომ იცოდე, გენაცვალე, რა რიგათ გული მიღელავს, როცა ამ ეზოში შემოვდივარ, როგორ მოვდივარ არც კი ვიცი. კედელი, ქვა, ხე სულ მე მიყურებს, მგონია. თქვენმა მეგობრებმა, ვილაღუშნო კრუამაც, დღეს, რომ მოვდიოდით, რაღაც იქნეულათ შემომხედა, თუმცა თავდაბლა ქუდი მომიხადა და ცოცხიც ძირს დაუშვა...

— შენ აღბათ გელანდება, ხომ გაგიგონია: ქურღს ქუდი ეწვისო, სიცილით მიუგო ქალმა.

— შეიძლება, შეიძლება, ჩემო მტრედუნავ, ჩემო... სთქვა გრიგორმა და..

— არა, სუ! უცბათ წამოიძახა ქალმა და შეიკუნდა ეს არ შეიძლება... არა... არა...

— ჩემო თვალის ჩინო! ჩე...  
— არა, არა!

— მაშ შენი ხელით მომკალი...

— ისე გიყვარდეს, ერთმანეთი, გრიგორ, ეს არა, აი თუ გინდა მაკოცე!

— მე თავი ცოცხალი არ მინდა! მე... იცოდე, რომ... თავს მოვიკლავ... მე, შენ გაღმერთებ... მე შენთვის ყოველისფერი დაგივიწყე... ღმერთო ჩემო, არ ვიცი რა ამბავია ჩემს თავზე... მე ჩემს თავს არ ვეკუთნი... იცოდე, რომ სინიდის-ს წინაშე პასუხის მგებელი იქმნები... მაშ კარგი, შეწუხებული ხნით სთქვა სტუმარმა და ქალის ხელებისაგან განთავისუფლება მოინდომა...

— ჯერ კიდევ კარგათ გავიცნოთ ერთმანეთი გენაცვალე, ტკბილათ ეუბნებოდა ქალი და არ უშვებდა.—მერე, მერე, ჩემო ბიტიკო, ეხლა, ან ვინმე მოვიდეს, ან რამე...

— თქვენი მოსამსახურე გიგო სადღაა, რომ დღეს სრულებით არა ვხედავ: ათრთოლებით დაეკითხა გრიგორი.

— სხვაგანაა.

— მაშ ვინ მოვა, მაშ ვინ მოვა, თრთოლვით ამბობდა სტუმარი და ქალს გულში იკრავდა...

III

— ძლიერ მოგეწყინა? ბევრი დამავგიანდა? შემოიღაპარაკა ვასილმა და ქუდი დივანისაკენ გაისროლა.—უპ! დავოფლიანდი, დავოფლიანდი, მაინც რა მოყრუებულ ქუჩაზე ვცხოვრობთ, კონკა ახლოს არ უფლის, სადმე წასვლა რომ გინდოდეს. ეტლი დაიჭირო, მაგრამ სად არის ეტლი! ერთი ვერსტის სიახლ ოვეს იმასაც არ შეგხედები, თუ არ შევთხვევით... უპ! უპ! ქშინავდა მასპინძელი და ცხვირსახოცით გაოფლიანებულ თმაპირის სახეს და ჩასქვლებულ კისერს იწმენდდა.—ვიჩქარე, ვიჩქარე, მაგრამ, მაინც...

— ეს არის, ძმაო, რაღა, ეხლა ვაპრობდი წასვლას, აი ვემზადებოდი კიდევ, ოცი წუთითა და საათი კი გავიდა, მხიარულათ მივალერსა გრიგორი და თვითონაც ცხვირ-სახოცი პირის სახეზე წაისვ-წამოიხედა და ერთიც ტან-სამოსზე გაიხედა.

— ჰო, მართლა, რა ამბავი, რაზე მოგინმეს ასე საჩქაროთ. რას ამბობს თქვენი ქარხნის პატრონი! მთაწმინდაში ქვა-ნახშირი ხომ არ აღმოჩენილა, ან სოლოლაკში ნავთი, გაიოხუნჯა სტუმარმა.

მათ ღაპარაკზე ანეტაც გამოვიდა.—რა იყო ვასოჯან, ტკბილათ დაეკითხა ცოლი.


— ბევრი არაფერი, სულიკო, მომინზადე რაღა სამგზავრო აბგა, ხვალვე ბაქოში უნდა წავიდე.

— ხვალ დილითა? უსიამოვნოთ განიმეორა ქალმა და ძირს დაიხედა.

— ეს! ბაქო კი არა, მაგათი დაქცევა... ამ დღესასწაულებში რაღათ გინდათ, კაცო, მანქანა.. აგერ ჩვენ თვითონ მანქანა არა ვართ?! გულ-ნატყენათ შენიშნა სტუმარმა.—მობას მინდოდა ანეტა და ჩემი ოჯახობა ერთმანეთისთვის გამეცნო, ჩემ ცოლს ძლიერ სწყურიათ ანეტას გაცნობა, პატარაობის დროს იცნობდენ თურმე ერთმანეთს... მაინც, შვილი, რა? ამ ექსპლუატატორების საქმე, სწორე გითხრა, მიკვირს; ერთი დღე მოსვენებული ვინ გაიგონა, სულ მხოლოდ შეძენის სურვილი კლავთ დღე და ღამ...

— რა ვუყოთ, გულ-დამშვიდებით მიუგო ვასილმა.—საქმემ, ჩემო კეთილო, დღესასწაული არ იცის... მარტო შეძენის სურვილით ნუ სჯით! თქვენ სამსახურის კაცებმა, ე. ი. მოხელეებმა, არ იცით რას ქვიან დიდა მრეწველობა. თქვენ





ზიხართ ღამაზათ, შენ ხარ, ჩემო ბატონო, თბილათ რაზახში, ან წერთ, ან ანგარიშობთ, იღებთ გადაჭრალ ჯამაგირს და გათავდა, შიში არაფრისა ვაქვთ, თქვენი ლუკმა უზრუნველყოფილია...—მრეწველობაში კი ნამდვილი ბრძოლა! მარტო შენ როდი ხარ; აი მეორეც შენსავით შრიამობს. შენ, ვსთქვამთ, „პროტოკოლი“ შეადგინე, მოსკოვში შენმა თანამოხელემ კიდევ „პროტოკოლი“ შეადგინა. ნუ გეშინია დავას არ გაგიწევს ჩემი „პროტოკოლი“ უკეთესადაა დაწერილიო. ორთავს უკრავენ შკაფში თავს და მორჩა... ჩვენთან კი სასტიკი კონკურენციაა გამართული! შენ აკეთებ შენ ქარხანაში რამე საქონელს, მეორეც აკეთებს და ცდილობს შენზე უკეთესი და უფრო იაფი გამოუვიდეს. შენც უნდა ეცადო უკან არ ჩამორჩე! თუ ცოტა უკან დაიხიე, „შაბაში“ დაიღუპები. დღე და ღამ უნდა ფიქრობდე, შენ მოპირდაპირეს წინ გაუსწრო... შობა კი არა, მგონი აღდგომაც დაგავიწყდება. აი ჩვენ პატრონს, ცოტა რამეზე, შარშან წინ, სულ უბრალო მიზეზზე კინაღამ „ფირმა“ დასაკეტი შეექმნა. ეჰ! ჩემო მეგობარო, რომ იცოდე, რა მქისია მილლიონების საქმე, რა ბაზმის ძაფზე კიდია მისი ბედ-ღალბა? თუ მოიგო, ერთათ იგებს, თუ წააგო, ქვით!! ეს არაფერი, ვითომდა თავისთვის ჩუმათ დაუმატა ვასომ, —მე როგორმე რიგინათ შევასრულებდე ჩემ დანიშნულებას, თორემ... იქაც ხერხი უნდა და? „არგამათ“ რომ მიხვიდე მაგათ ქარხანაში და ეს და ეს მანქანა მინდა დავათვალიეროვო, რომ უთხრა პანჩურის ცემით გამოგადგებენ. ფულიანებს ერთმანეთის შინი კლავს. ახალს რასმე ერთიმეორეს არ გაუმჯღავებენ. ხერხი უნდა ვიხზარო და ისე მივიდე თითქო აქ არაფერიო, წვრილ-ფხვობასაც აქა-იქ პირი უნდა გაუმტკბარუნო სახალწლოთ, ისე უნდა მოვიქცე, რომ არავითარი იქვი არ აიღონო. ეს უნდა ქარხნის პატრონს. შობა დღეა ნამდვილათ ხელსაყრელი, მაგისტანა საქმისთვის, —მხიარულათ დაუმატა მასპინძელმა იზნაირ კილოთი, თითქო ახალი რაღაც აღმოაჩინაო.

— უი! როგორ იქნება, ღმერთო ჩემო, ესეც სამსახურიოა, უქმი არ გააჩნია და საქმე, ბუზღუნით წარმოსთქვა ანეტამ და მტირ ღი სახე მიიღო.—არ მინდა არა... შენ ხვალ წახვიდე... მინდა აქ დარჩე, არ მინდა, არა... ნუ წახვალ.

— კი, გენაცვალე, რა ვქნათ, ბეჩა აბა, ცხოვრება გვინდა. რაც შეიძლება ადრე ჩამოვალ, სახალწლოთ მაინც, უსათუოთ, მივალერსა ქმარი.

— შენ ეს მითხარი, კაცო, და... ო... რა უნდა მეკითხა თითქო ძლიერ ვინტერესება ეს კითხვაო, წარმოსთქვა ცოტათ შეწითლებულმა სტუმარმა და ცხვირსახოცით სახე მოიწმინდა, მერე მაგარი ხველა აუტყდა... ჰო, ჰო! ეგ ოხერი, მგონია, სურავანდი დამმართნია... ჰო... ის უნდა მეკითხნა როგორა ბრძანდება თქვენი ქარხნის პატრონი?

— მაგას რა უქირს! ჯერ-ჯერობით სალი კლდესავით არის საქმე... ო... მართლა ის კი არა, ისეთი გულმოსული დამხვდა, რომ შემეშინდა, კაცი არ გადაირიოს-შეთქი.

— რა მოსვლია?

— ჰმ! საკვირველია დღეს, რაღაც მაგნიირზე ელაპარაკობდით ჩაიხე. გიმნაზიაში სწავლობს მისი ასე ცხრა-ათის წლის გოგო, თურმე ნუ მეტყუო წერილების გზავნა დაუწყია ერთ ბიჭთან. მამას რაცხაფრათ ხელში ჩავარდნია ეს წერილები, მგონია, იმ ბიჭის მამას გამოუგზავნია და შენი მტერი ისე გაქირვებული იყო თურმე, სულ ცოფსა ყრიდა. მე რომ მივედი, ცოტა დამშვიდებულიყო, მაგრამ მაინც...

— ეჰე! ათი წლის ბავშვმა მიწერ-მოწერა გამართა ვაჟთან? ეჰე? დაფიქრდა სტუმარი.

— აბა, შე კაცო! დაიკარგოს მაგათი წერა-კითხვაც, მათმა ჯ. აბნეამ მე ცოტა ხელი ჩამიშალა... ის არა, შეიძლე-

ბა მეტი ფულები მიეცა ჩემთვის სამგზავროთ...

— მერე. მერე, თქვენ გგონიათ, რომ ეს ამბავი ჩემ აზრს არღვევს, საქმიანათ წარმოსთქვა სტუმარმა ბიჭი პირიქით, ვასილი, დამერწმუნე, ამტიკებს!

— ჩემთვის სულ ერთია, გულგრილათ მიუგო მასპინძელმა, მე ხომ მოგახსენე პედლოლის არა გამეგება-რა მეთქი.

კოდრა პატრია.

(დასასრული იქნება)

### აქეთური-იქითური.

ვერ წარმოიდგენთ, ბატონებო, ამ უამათ, ე. ი. ამ წერილის წერის დროს, რა გაქირვებაში ვარ! ღამის პირველი საათია. ჩემს გარშემო ყველასა სძინავს. ვინ იცის ტკბილ სიზმრებსაც კი ხედვენ და მე კი? ვზივარ ჩაიყუშივით და ფტიქრობ... მინდა დავწერო რამე თქვენდა საყურადღებოთ, „სააშოკოთ, ს ლაღობოთ, ამხანაგთა სარაფველათ“, ერთი სიტყვით, მინდა საკვირაო ფელეტონი გამოვაცხო, მაგრამ... (ოხ, ეს ვერანა „მაგრამი“ ბოლოკივით არ ამოჰყოფს ხოლმე თავსა!) დიახ მაგრამ... მაგარი ის არის, რომ ჩემ ქვიფზე არ გახლავთ საქმე! მე რომ თავისუფალი კაცი ვიყო — მეც ახლავე ან დავწვიბოდი და დავიძინებდი (რაც ყველაზე საადვილოა ქართველი კაცისათვის) ან არა და ხვლათ ისეთ უცნაურ რასმეს გიამბობდით, რომ „ქრისტეს მცნების მიმდევარი“ რედაქცია ჯოჯოხეთათ წარმოგედგინათ, ისეთ ჯოჯოხეთათ, სადაც ერთმანეთს მუშტით სახეს უბეგვენ საბივმტექსო ხორცივით და თან გაიძახიან: სამართლიანნი, დიდსულოვანნი ვართო!... ეჰ, უბედურებაც ის არის, რომ თავისუფალი არა ვარ!..

დღეს რედაქტორმა მიბრძანა (არა, უკაცრავათ, მიბრძანა კი არა, მთხოვა) დასწერე რამე: ყოველდღიურ ქართული გაზეთების ამბები შეატყობინე ყოველკვირეულ გაზეთის მკითხველებსაო. კეთა მოვიფხანე, მაგრამ რა მეთქმოდა? ან კი მეტი რა მოხელენაჩაღნიკი ვარ, თუ ღმერთი გრწამთ, რომ მკითხველებს ვერ გამოვვლასპარაკო! მოვხიკე მთელის კვირის ქართული გაზეთები, გადავარჩიე, ჩხუბი არ მოუვიდეთ მეთქი, —დარბაიელი „ივერია“ მარჯვენე დავასვენე, ფიცხი „ცნობის ფურცელი“ —მარცხენე, ვახსენე ღმერთი და ხელმეორეთ შევეუდექი თათოგულის ნომრის კითხვას.

მართალია თავის დროზე ყველა გაზეთი წაკითხული მქონდა, მაგრამ ჩემდა სამწუხაროთ და მტრების სასიხარულოთ, მეც ისეთივე გულმავიწყი ვარ, როგორც „ივერია“ და მოუსვენარი, როგორც... როგორც (ეჰ, ჯანი გამვარდეს, თუ მუშტები მომხედება!), როგორც თავადი დ--დვ... ჰო, იმას ვამბობდი, კიდევ გადავიკითხე მთელი კვირის ნომრები, მაგრამ... არა, ძმავე, „ააფრინე ალალიო, რაც არ არი, —არ არიო“ —ნათქვამია. ვერაფერი ვნახე ჩვენის მკითხველებისათვის ახალი, საყურადღებო. ფიცავ სიტყვა-კაღმის აღლევორიას და ჩიორას: გაცოცხლების დღეს, რომ მართალს მოგახსენებთ!

ღარიბ მკვდარს სულდრათ გამოადგებოდა, იმოდენათ გაქიმულა „ვეითომ და თავად-აზნაურობისა და სამღვდლოების“ მოტრფიალე გაზეთი (არა თუ?) და .. ღმერთო შეგცოდე, ქართულის მღმერთებელს საქართველოს ქირ-ვარამი განხე გაუგდია! ხუთ ვეებერთელა ნომერში, რომელთაგანაც თამამათ ორი საზაფხულო საბანი თუ არა, ერთ-ნახევარი მაინც გამოიქრება, —სულ ოთხი პაწია კორესპონდენციაა დაბეჭდილი! აი მოკლეთ მათი შინაარსი:

პირველი: ქ ა ზ ა ე ი. ღვიძის ფასმა აიწია... ჩანჩუბი სჯამენ მთელ ქიხიეს. („ივერია“ № 2).

მეორე: კ ა ვ კ ა ვ ი. წ. გ. ს. სასარგებლოთ ჩვეულებრივი სადამო გაიმართა. (იქვე).

მესამე: ა ბ ა შ ა. გზები არა გვაქვს, ტალახში ვინჩებთ!.. ჩვენებური ინტელიგენცია ანაბიობას უნდა! („ივ.“ №3).

მეოთხე: ხ ო ნ ი. „ღაფს გვღირსეთ ჩვენი (ს) ბიბლიოთეკის წლიურ კრებას და გავაკეთ მისი მდგომარეობა!.. სხვა?.. უკაცრადათ, კიდობანში პური აღარ გახლავთო, მოგახსენებენ. მაგრამ არის კიდევ წერილი ერთი სჯანეთიდან ისევ უგზობისა დი უხილობისა და სჯანთა უმეცრების შესახებ და ერთიც შავი ქვის მრეწველთა კრების გამო, ხოლო აქ „კვალის“ მკითხველებისათვის უცნობი არა არის რა, ისე, როგორც უკვე იცნობენ წარსულის წლის ნამოღვაწევს ჩვენში და სხვა გან. მაშ, რაღა ბედენაა ყოველ დღიური ზორბა და ტლანქი გაზეთი? ოხ, სადა ხარ „ცნობის ფურცელი“, რომ სულ ცხვირში ძმარს არ ამოადენ „ივერიას“ და არ უსაყვედურებ: „საქართველოს ქირისუფალო! რატომ არ გინებებია კორესპონდენტების მოწვევა, რათა კიდით-კიდემდე ხმა მიწვდინო ქართლოსიანთა და დაანახვო თვისი გაჭირვება, თვისი წყლულნი, თვისი ავი და კარგი. მარტო ჩემი ლანძღვა ხომ არ გაცხოვენებს-თქო?

ოჰო! აქა ყოფილხარ? რას გაჩუმებულხარ?...მაიცა, შენთვისაც მოვიცილი...

ხუმრობა იქით იყოს და... თუ ასე სანთლით საძებარი გამიხდა დღიურ გაზეთებში საქართველოს მაჯის ცემის დამასურათებელი ყოველდღიური ამბები, მალე „ოსტავკა“ უნდა შევიტანო „სადაც ჯერ არს“, თორემ ვისა აქვს თავი ლათაიების კითხვისა!..

მართალი მოგახსენოთ, მე რომ „ივერიის“ მეთაურებსა ვკითხულობ ხოლმე, ცოტა არ იყოს მეშინიან კიდევ: ასე მგონია ვიდაც ფუყე ბუმბერაზი ორჩოფებზე შემდგარა და ყვაფივით თავზე დამჩხავის-მეთქი. საანბანო ქეშმარიტებას რაღა ზარი და ზემი უნდა, თქვე კურთხეულის შეიღებო! თქვენ საქმე სთქვით, საქმე! ასწავლეთ რაიმე თქვენ მკითხველებს, შეაგებინეთ, რომ ცხოვრება თავად-ანაურებსა და სამღვდელოების ჯიბეში კი არა ზის, არამედ იგი ქუჩაში გამოვიდა, აღუღდა და ჩვენც თვალეები უნდა გავაჭყიტოთ, მარტო მომზადებულნი კი არა, თანაზიარნიც უნდა ვიყვნეთ. სანეტარო მომავლისა. თორემ... „ქართველები ვართ, ენა გვაქვს, ლაპარაკი და წერა ვიცითო“... ეს ხომ ორიათასი წლის თამასუქა! დარწმუნდით, რომ ის, რის აღდგენასაც თქვენ ვათმობთ სჯდელათ „კორთების ქვეშე დამარხულია“. ნუ თუ გავიწყდებთ, რომ დღეს მე-1903 წელიწადია!

მაგრამ, უკაცრადათ, „ივერია“ არც ისეთი გულმაფიწყია! 1902 წლის მიწურულეებში დაიკვება, რომ ჩვენი რედაქცია—„ქრისტეს მცნების მიმდევარიო“ (სთქვა რუქამ არაკი!) და 1903 დასაწყისში კი... ლამის ჯვარს აცვას „ცნობის ფურცელი“ და ბ. ა. ღულაძე!.. რათა? რისთვის? აქვს რაიმე ხნობრივი უფლება თუ არა? იმიტომ, რომ ბატონი თავის ნება!

ამდენ ლაპარაკში „ცნობის ფურცელი“ კიდევ დამავიწყდა. სულ ჩვენებური პაპლაუქობის ბრაღია, თვარა არც კი შენა ხარ მაინც და მაინც უცოდველი!.. ხან მოიდემოკრატებ... ხან კი „ივერიას“ არ ჩამოურჩები, თითქოს იმის ანარეკლი იყო! მაშ რაღას გიწყობა დარბაისლების გაზეთი? იმას, რომ ერთმანეთისა არა გესმით-რა,—თუმცა ერთსა და იმავე ღმერთსა მსახურებთ... ალღახი იყოს თქვენი გამკითხავი!.. ჩემი დარდი კი ის არის, რომ იმ დროს, როდესაც ივერია იერიქონის საკრავებს აყვირებს, „არა იმიტომ,


რომ შენ რედაქციის ძირი გამოგითხაროს, არამედ გონებაზე მოგიყვანოს და სწორ გზაზე დაგაყენოს“, ხოლო „შენ კი სულ უცხოეთზე ლაპარაკობ,—აქვე ჩვენ მთელი საქართველოა ქუთაისში უნდა გავსერიოდეს ათასი და ათასი მკითხველი ხალხის საქმე, და მე კი არ ვიცი, რა შევატყობინო ჩემ მკითხველებს ამ ხალხის ბედის შესახებ... ჩემი რა ბრაღია, შემომიტყე! ოღონდაც! ჩემი ბრაღია ჩემი! რატომ გულთმისანი არა ვარ!?

საზოგადოთ იშვიათთ ვეთანხმები ხოლმე ჩემის მიმართულების წინააღმდეგ კაცსა, მაგრამ ამ ჟამად ერთში კი უნდა დავეთანხმო ბ. ვასილ წერეთელს, რომელიც „ივერიის“ მეხუთე ნომერში სწერს: „დადგა დრო მარგანცით მრეწველთა საზოგადო კრებისა, მაგრამ არც ერთი ქართული გაზეთი მზათ არ არის აუწყოს საზოგადოებას საქმის დაწვრილებითი გარემოებო“. სრული ქეშმარიტება! ან კი საიდგან იქმნებიან მზათ, როდესაც შემთხვევითი მოამბენი ჰყავს. თუ რომელიმე მოკლილმა ინტელიგენტმა მოაწოდა რაიმე ცნობა რასამე შესახებ, ღმერთს უმადლიან, თუ არა და... სხედან გულ ხელ დაკრებილები. და ოთოთანთ ქარივით მახლობლებს ჰქოჩრავენ და სულ იმას გაიძახიან: ფული არ გვაქვს ფულიო!..

ახა, დამერთო! ფული საიდგან ექმნებათ! ვის რაი უნდა ცარიელი გაზეთი... მჯავე პატრიოტობის ხანა წავიდა! რედაქციები საქველმოქმედო დაწესებულებათ აღარავისა ჰგონიან! ახლა ხალხს ცოდნა, ცოდნა სწყურიან; სწყურიან ნათელი აზრი, უნდათ სამსჯელო ფაქტები, სურთ გაიგონ თავის სამშობლოსა, მშრომელი ხალხის ვითარება! მიაწოდეთ საღი საზრდო, ფხიზელი აზრი, ცხოვრების ალღოს ჩაუდექით კვალში და ყველაფერი გამოკეთდება

მაგრამ კმარა! რახან ერთი კვირის გაზეთებმა არა მოგვეცეს-რა ჩემო მკითხველო, მოდი ისევ ჩვენის რედაქციის ნაგვის გოდორს მივმართოთ (ბოდის ვიხდი, ცოტა პოეტური სიტყვა არ არის „ნაგვის გოდორი“, მაგრამ ასე ქვიან იმ კალათას, სადაც განისვენებენ ხოლმე დაწუნებული წერილები და რა ჩვენი ბრაღია). დიახ,სანაგვე გოდორს ღირსნი წერილებიც ნათლათ გამოსთქვამენ ზოგიერთთა გულ-ზევიდ პატრიოტის გულის თქმათა.

ბ-ნი სილოვანი ძალიან გაუჯავრებია ბ. რიგოლეტოს საახალწლო ფელეტონს და ისე გაცეცხლებულა, რომ „კვალის“ რედაქციის გზაც-კი დავიწყებია. დაუწერია სამგროშიანი ღია წერილი, გამოუგზავნია ბ. თავართქილაძის სახელზე და სთხოვს გადაეცით „კვალის“ გამგესაო“. წერილმა რასაკვირველია მოაღწია გამგემდის, რომელსაც ნაგვის გოდორში უნდა ეტუცვინებია თავი წერილისათვის, მაგრამ მე ხელი წავატანე და წავიკითხე. შიგ სწერია... მაგრამ არა, ალბათ, თვით ბ. სილოვანს ეხამუშება წერილის შინაარსის გამოქვეყნება და ალბათ იმიტომ მოუარა სოლოლაკისაკენ. მე პირადათ არ მსურს ბ. სილოვანის გაჯავრება, ღმერთმა დამიხსნას პოეტების გულისწყრომისაგან. მე მხოლოდ მინდა ამოვიწერო ორი-სამი წინადადება, რისთვისაც აღარ ვბოდინობ. ეს წინადადებები ნათელ ჰყოფენ რამდენათ თავაზიანენები ვართ ქართველი პატრიოტები და ან როგორ გვიყვარს ის დაწესებულებანი, რომლებიც ნაკადულნი არიან ჩვენის კულტურულის წინმსვლელობისა—ჩვენი რედაქციები: „...ხოლო ჩვენს რედაქციებს არ ეზატებათ, რომ ასეღი (ახალ) წლის პირველი (პირველ) დღიდანვე იწყებენ (ხალმე) კებნას და კებნიოვე ათეკებენ წელიწადს...“ და სხვა, გვისაყვედურებს ბ. სილოვანი. როგორც გინდა ბრძანეთ და მე კი ქართულის ენის დახელოვნებულ მკოდნესა და მკვლევარისაგან არ მო-



ველოდი ამგვარ ლექსის ხმარებას რედაქციების შესახებ. კბუ-  
ნა იწყებენ და კბუნთათაჲებენ... მშვენიერება!

უფრო მშვენიერი ყოფილა ქიათურის საურთიერთო  
ნდობის ბანკის მოქმედება. მოისმინეთ. წესდების თანხმით ყო-  
ველი გარდაწყვეტილება „პრობნი კომიტეტისა“ საიდუმ-  
ლოებით უნდა იყოს მოცულიო (§ 8), მაგრამ თუ წევრის  
მიღებაზე ან ფულის გაცემაზე უარი სთქვა, მეორე დღეს ეს  
ყველამ იცისო“, გვწერს ერთი კორესპონდენტთაგანი და  
დასძენს, რომ ამ გამომჟღავნებას ათასგვარი უსიამოვნება და ძალ-  
მომრეობა მოსდევსო. გარდა ამისა ხშირათ ირღვევა თურმე  
ბანკის წესდების § I, რომელიც უკრძალავს კრედიტის გადი-  
დებას. ბანკის დირექტორები კი თავის ნებაზე ატრიალებენ  
თურმე წესდებას და ვისთვისაც სურთ იმას უდიდებენ კრედიტს.

ნაკლებათ უცნაური ხალხი არც ბაქოში ყოფილა იქაურ  
ქართველთ შუიღვენიათ სცენის მოყვარეთა წრე და წარმოდგე-  
ნების გამართვას აპირებენ თურმე. ერთი წარმოდგენა კიდევ  
ჰქონიათ ბაქოს საკრებულო საზოგადოების დარბაზში. წარ-  
მოდგენას გვარიანათ ჩაუვლია, საკმაო ხალხიც დასწრებია,  
მაგრამ სულ მდაბიო. არც ქართულ წარმოდგენამ და არც  
მისმა მიზანმა (ქართულის სამკითხველოს სასარგებლოდ იყო  
წარმოდგენა) ვერ მიიტყუა და ვერ შეიტყუა თურმე ბაქოს  
„ბურჯები“, ე. ი. ქართველები съ положением და სქელ-  
ჯობიანები. ვინც კი მოვიდა თურმე, მაშინვე უკან გამოქცეუ-  
ლა, რაკი დაუნახავთ, რომ დასში მკერვალიშვილიც ერთი  
იქაურ „დიდრონებს“ უსიამოვნება აქვთ მკერვალიშვილთან  
და ამიტომ წარმოდგენასაც გაუბრძიან. პატრიოტობაა მა რა  
ცეცხლია!..

დაასრულ მსურს, რომ ეს ჩემი საუბარი მხიარული ამ-  
ბით გაეთავო: ამა წლის იანვრის ოთხსა დღესა ჩიორა გა-  
ცოცხლებულა! უხაროდეს დუტუ მეგრელს, მხოლოდ ბ. სი-  
ლოვანს კი, მგონი, არ გაეხარებდა, რადგანაც რიგოლე-  
ტოსა და ჩიორაზე დადათ არის გულნაკლული!..

ი. მარჯანიძე.

### ვასული წელი რუსეთში.

1902 წელი ჩაყვანა ჟამთა მემდინარეობამ და დღეს ჩვენ  
უკვე შეიძლება საუკუნის შესაშუ წელიწადში გადავგებით ფეხი. იმე-  
დებით სავსე, რწმენით აღფრთოვანებული მივუგებთ ასად წელს,  
მივულოცეთ ერთი შეიძლება გულითად სურვილების ასრულებას,  
იმედების განხორციელებას; მარა ავგისრულებს ჩვენი გულისწა-  
დილი ამ წელში, თუ კიდევ ბუერი შრომა, დიდი ენერგიული მო-  
ქმელება დაგვჭირდება, რომ ერთი ნაბიჯით მაინც მივუახლოვდეთ  
სახსტრულ მომავალს, რომელმაც ჩვენი მიზნის განხორციელება  
უნდა მოგვცეს, ამ კითხვის პასუხი ჩვენთვის ჯერ გადაუწყვეტე-  
ლია, თუ გნებობს თვალთ გადახედვით ისტორიულ წარსულს,  
იმ ეკლავს გზას, რომელიც განვლო კაცობრიობამ დღემდის, მა-  
შინ სწორეთ პარადოქსით გვეჩვენებს ის აზრი, რომ კაცი ვი არ  
არის შექმნილი ცხოვრებისათვის, თვითონ ჩნდება შექმნილია  
კაცისაგან თავისთავად. როგორც მაშინა, რომელიც კაცის გნებ-  
ობის და შრომის ნაყოფს შეადგენს, მოსამსახურეთ ისდის თავის-  
საკე შექმნილს, უბრალო მანქანათ აქვეყნა, სასახიროებს, სჭეულტს,  
თუ უკანასკნელი წინააღმდეგ და თავისუფალი მოძრაობა შეუშალა;  
ისე ცხოვრებასაც მაგრათ უჭირავს კაცი თავის მძლავრ ბრტყალებ-  
ში, მონა-მორჩილებით ამსახურებს და მთავანებს იქით, საითაც  
სურს. კაცი ვი, ეს სურსა, საბრალო არსება, ამათ ცდილობს,  
გზა შეუკრას მას. ბრმა თავმოყვარება აგნებს მას, რომ ის  
თვითონ არის ცხოვრების მბრძანებელი და შეუძლია თავის ნებაზე  
შეაჩეროს მისი მსვლელობა მას არ სურს შეიგნოს ის უბრალო  
ტექნიკა, რომ ცხოვრების გასაძლიერათ საჭიროა მისი რთული შე-

ხანიისის შესწავლა, შეგნება მის ყველა მოთხოვნილებათა და მათი და-  
ყოფილება. ვინც ცხოვრებას წინ გადადობებს, ვინც მისში მხო-  
ლოთ თავის ზინად ინტერესებს ეძებს და არა საზოგადოებრივ მოქმედ-  
ებას, მთელი კაცობრიობის ბედნიერებას, ის ცხოვრების წესს  
მოკლები კანონების სწავრება შეიძლება. მარა კაცი მაინც არ ცხრე-  
ბა. მას არ სურს დამოუკიდებლად ცხოვრების ძლიერებას. ის ცდი-  
ლობს ისეთი საშუალებები მოიგონოს, რომელთა შემწეობითაც შე-  
საძლვა იქნეს ცხოვრების მძლავრი მამრობის შეჩერება, ერთ  
წარტილზე შეეყნება. მარა ეს შეუძლებელია. ცხოვრების ნაკადუ-  
ლი აჩრტვს, არდევს უკველკვარ დაბრკალებებს, რომლებიც ვი მას  
გ"ახე ედებებიან და რაც უფრო ძლიერი იყო წინააღმდეგობა,  
იმდენათ უფრო ძლიერი და შერტვინავრე იქნება ცხოვრების გაძარ-  
კვებას გამოძახილი...

გასული წელიც, როგორც სხვა ყოველი, ასეთ ბრძოლას  
წარმოადგენს ადამიანისას ცხოვრებასთან. მარა ამ ბრძოლას აქვს  
თავისი განსაკუთრებული ხასიათი. არის ხალხი ისეთი მომენტები,  
როცა ადამიანი ცხოვრების ძველმოსილი მსვლელობისაგან და  
მფრთხილი, შეშინებული მაინც არ კარგავს საკუბით იმედს, და  
ცდილობს პალიტიური სომებით დააკაყოფილოს მის მიერ წამო-  
ყენებული ვითხვები. მარა განა შეიძლება ცხოვრების მოტუეილე-  
ბა? საბრალო და თან სასაცილო კაცი ასეთ შემთხვევაში!

წარსული წელი არა ერთსა და ორ მკაღითს გვაძლევს ასე-  
თი ცდისას, რომელთა მიზანზე იყო ცხოვრების მიერ წამოყენე-  
ბული საჭირობროტო კითხვების გადაჭრა.

ასეთ ცდას წარმოადგენს, მაგ. სასამართლოს წესდების ბრ-  
ექტი, რომელიც შეიმუშავა სხეცადურათ ამ მიზნისთვის შემდ-  
გარმა კომისიამ. ამ ბრექტს არავითარი ძირითადი ცვლილება არ  
შეუტანია ჩვენ კანონმდებლობაში, და ეს არც ჰქნის მიზნათ.

მან თითქმის ხელშეუხებლათ დასტოვა ყველა საურადადგეო  
კითხვები. სასამართლოებში საქმის წარმოების განაუქმობესებლათ,  
ამ ბრექტის შემდგენელთა აზრით უნდა ჩამოერთვას სოცია უფ-  
ლებები გამომძიებლებს და გადაეცეს ადმინისტრაციას. მაგ., ის  
შეეხრა საერობო უფროსთა უფლებების (земскія начала) გან-  
საზღვრას და საჭიროთ იცნო მათთვის მსაჯულის უფლებების მი-  
ნიჭება, თუმცა საერობო უფროსი ადმინისტრაციის წარმომად-  
გენელია. ამხიარი რეფორმები ცხადია ვერ დააკაყოფილებს იმ  
მოთხოვნილებებს, რომელიც წამოაყენა კართულებულმა ეკონო-  
მიურმა და საზოგადოებრებმა ცხოვრებაში. და ეს ცდა კანონმდებ-  
ლობის გაუმჯობესებისა უბრალო ცდათ დარჩება.

ადნისუნის დირსია აგრეთვე სამინისტროს ბრექტი მწარ-  
მოებულთა პასუხისმკებლობის შესახებ.

საფაბრიკო კანონმდებლობა, როგორც ეს ესმით დასავლეთ  
ეკლავაში, ჩვენ რუსეთში ჯერ არ არსებობს.

ამის მიხეზი რუსეთის კულტურულ პოლიტიკური-პირობებია  
მართალია არსებობს საფაბრიკო ინსპექტორები, რომელთა ვადდე-  
ბულებას შეადგენს მუშათა და მწარმოებულთა შორის დამოკიდებუ-  
ლების მოწეს-რიგება. მარა ცხოვრებამ მსვლედაგანახება, რომ ამით  
არა თუ შემცირდენ მუშათა არეულობები, კიდევ უფრო გამრავდენ  
და გაძლიერდენ. ამის მიხეზი ბუკრია, მარა მათ არ ვეხებით. 1901 წ.  
26 ნოემბრის კანონის ძალით საფაბრიკო ინსპექტორა შემოდებულ  
იქნა ქუთაისის და ჩერნომორის გუბერნიებში. ამის გამო აი რას  
სწერდა „Вестн. Финансовъ“ (1902 წ. № 3): „უკანასკნელი  
წლების განმავლობაში თფილისში დაიწყო მუშათა არეულობები;  
გამოკვლევა დაგვანახება, რომ ამის მიხეზი უმრავლეს შემთხვევაში  
შრომის პირობების არასასურველი მდგომარეობა იყო“.

საინტერესოა აგრეთვე უწ. სინოდ. ობერპროკურორის პო-  
ბედანოსიციის აზრი საფაბრიკო კანონმდებლობის შესახებ, რომე-  
ლიც დაბეჭდილი იყო „Отчетъ Госуд. Совѣта“-ში: „მეფაბ-  
რიკებში, სწერს ის, თვითონ შეიგნეს, რომ მუტათ გრძელი სამუ-  
შათ დღეები არ ეთანსებებიან არც მწარმოებულთა და არც მუშათა

ინტერესებს, და ბევრმა მათგანმა თავის ნებით შეუმსუბუქა ამ უკანასკნელთა ჯაფა კანონმდებლობა საჭიროა, იმიტომ რომ ის გამოწვეულია ხსენებულ მოტივებით, კაცთმყოფარებით, მაწიფლებით და უძღურებზე სრუნველად.

მწარმოებელთა ზასუსის-შეგებლობა დასახინრებულ მუშების წინაშე არ ესება ეველა წარმოებას. ამ კანონს ექვემდებარება: 1) ისეთი წარმოება, რომელიც ასაფეთქებელ ან შხამის მქონე ნაფთიერებას ამზადებს; 2) ისეთი წარმოებები, სადაც მესხნიკური მამინა მუშაობს, და 10-ზე მეტი მუშაა; 3) ეველა წარმოება, სადაც 25-ზე მეტი კაცი მუშაობს.

მეფაბრიკე ზასუსისმგებელია მხოლოდ იმ შემთხვევაში, თუ მუშის დასახინრება მისი მიზეზით არის გამოწვეული, და რადგან ამის დამტკიცება მეტათ მხელია, ის უმთავრესთ თავისუფალი რჩება უფლებკარი ზასუსისგებისაგან და ჯარმისაგან, რასაკვირელია არ იხდის. გერმანიაში სკატისტიკური ცნობებით ისეთი უბედური შემთხვევები, როცა ბრალი არც მუშის ედება და არც მეფაბრიკეს, საერთოდ უბედურ შემთხვევათა 44% შეადგენს, 24% შემთხვევაში ბრალი მუშის ედება, და მხოლოდ 19% ში ბრალი მწარმოებელს ედება. თუმცა კანონი ამბობს, რომ მწარმოებელმა თვითონ უნდა დაამტკიცოს, რომ მუშის დასახინრება მუშისავე ბრალია, მან ეს არც ისე ეხსილება მას, რადგან ძალა მის ხელშია, და მუშის არც შეძლება აქვს სახიჯარში სდიოს მწარმოებელს; ეს სომ მის ფახის სულ უფლებამ ზურთ დატოვების და სიმშლით ამწევეტის ნიშანი იქნებოდა.

ამხიროთ საფაბრიკო კანონმდებლობა ასალ წელიწადს დარჩა შესამუშავებლათ...

ა. ზ.—ი.

(დასასრული იქნება).

### ს ა ტ რ უ რ ს...

(პოემა)

#### I

მეხვეწები ღეჭი სთქვიო,  
არ მეშვები, ჩემო მტრედლა!..  
შენის თხოვნის უკუგდება  
თავს არ მოდის... ვით ვაგებდო?..  
მაგრამ ენა მეურჩება,  
გრძობა ბორკავს სიტყვის ძალას,  
დამეხსენი, გეთაყვანე,  
გადამკიდებ ხათაბალას!..  
არ ისინებ?.. მაინც გინდა,  
მოისმინო ჩანგის ჟღერა?  
მაშ იცოდე: პირფერობას  
არ ეწყობა ჩემი მღერა...

ლამაზი ხარ, როგორც ია,  
ამოსული ღობის ძირას,  
თავი მორცხვით დაჯიბრია  
მშვენიერ და კეკლუც ცირას.  
თვალს სწყურთან შენი მზერა,  
გულს მოხვევინა... სიყვარული,—  
სხვა რა არის ან კი, მითხარ,  
ახალგაზდათ სიხარული?..  
შვლის ნუკრივით წარბებს სწურავ,  
იხედები ირემივით.  
ჩემო ყველავე, ნულარა მკლავ...  
ხედავ, ვიწვი აბედივით!

#### II


შესდევ, ცელქო! ნუ აჰყვები  
შენს გულის ჟინს... კარგი, კარგი!  
თვით დევ-გმირსაც ტვინს დაუბნევს  
მტლამა-მტლუში წარა-მარა!..  
ეჰ! ცხოვრების სიავ-კარგე  
ჯერ არ იცი შენ რა არის!..  
ვარდი დილით მონაწყვეტი  
სალამოზე მკვდარი არის.  
შენც ვარდი ხარ გაფურჩქენილი,  
ფუფუნებით ანახარდი,  
გატაცებით ნაჩუქარსა  
ხვეწა-კოცნას თან სდევს დარდი.  
დაუკვირდი შენს გრძობასა,  
შემოავლე ირგვლივ თვალი,  
ნუ ენდობი ტკბილ ჰანგებსა,  
ნუ იქნები მხოლოდ ქალი!

#### III

გამებუტე?.. ნუ, ღვთაებავ,  
კრემლებს ნუ ღვრი... მოიცადე,  
ქკუსა ჰკითხე,—გულს კი არა,—  
თუ მე ცუდით დავიყბედე!  
შენ ჩემი ხარ!.. ეგ თვალები  
მთელ ქვეყანას მირჩვენინან:  
ცა რომ მომცენ საჩუქრათა,  
დამითვალონ ვარსკვლავები,  
მზე და მთვარე მითავაზონ,  
მთა და ბარი—მდელოებით,  
მაინც ობლათ ვიგრძნობ თავსა  
და ბედკრულათ—უშენობით.  
სხვა რა გინდა!.. ვაიცინე?..  
მარგალიტით მორთე დაწვნი?..  
ოხ, შე ცელქო, რა გიხდება,  
ნაწვიმარი წამწამ-თვალნი!..  
მაგრამ კრემლი თვალს არა რგებს,  
გული უსწრობს გონებასა...  
კაცი უნდა შორს უვლიდეს,  
ყოველნაირ მონებასა!  
სიყვარულსაც საზრი უნდა,  
ნიადაგი—უკვდავებას,  
თორემ მალე შეგძულდები  
და... მომაცირი ქვა და გუნდას!..  
მე მუშა ვარ, მუშა მწირი,  
ღღე და ღამე სხვისთვის ვშრომობ...  
არ მაქვს ბინა, არცა პური,  
გული მომდის და ვვიშ-ვიშობ...  
მხოლოდ შენ კი?.. ფურ-ირემი  
ულრან ტყეში მონავარდე,  
სიცოცხლისა ძალამ შეგკრა,  
დამინახე... შეგიყვარდი!  
ცირავ!.. ჩემთვის არა კმარა,  
გულს ხრაკავდე გრძობის აღზე...  
სადღვისო ენაცვალოს  
ფიქრს და შრომას მომავალზე!..

#### IV

მეთანხმები? თავსა მიკრავ,  
ვით ყაყაჩო—დილის ნიავს,  
ვით ყვავილი წყლის პირს მდგომი,  
ყელ-ყური რომ მოუნამავს.  
გენუკვება, ჩემო გვრიტო,



ქართული  
ლიტერატურა

იმედი და აღმა-ფრენა,  
 შემოქმედმა ნურც მოგაკლოს  
 სასოება... მარად ღხენა,  
 მაგრამ, ტურფავ, რას გვიშველის  
 სურვილი და მხოლოდ ნატვრა  
 ერთ ადგილას ჯდომა, ფიცით,  
 ერთი მითხარ, ვინ გამძღარა?  
 მომე ხელიც, გულის სწორო,  
 მოვიაროთ მთა და ბარი,  
 ერთათ ვნახოთ და გავიცნოთ  
 ცხოვრებისა ანაბარი.  
 მე კი ვიცნობ... ვიცნობ კარგათ,  
 ბევრი მასვა შხამ-სამსალა,  
 ბევრი კრემლი მალვრევენა...  
 გაჭირვებამ გამასალა...  
 მაგრამ შენ კი ჯერ ნორჩი ხარ,  
 ვით ვაზისა ქორთა ყლორტი...  
 სიკეთესთან ვი? არ ვაძინო  
 ავ-კაცობა და ბოროტი?!..

V

შეხე, მტრედო, მალლა ზეცას  
 რა საყვარლათ ანთებულა!  
 დიდს და მცირე ვარსავლავებსა  
 ეციებათ... ხარობს ყველა.  
 მათ არ ესმით შენ ჩემბა  
 კიმიმებენ თავისუფლათ,  
 ერთი უვით მათ სამყარო,  
 ერთი ზეცა—თავისს უფლათ.  
 ნავარდობენ, ხტუნაობენ,  
 ეწმაწვნან დიად მთვარეს,  
 აღიდებენ შემოქმედსა,  
 სხივებს ჰფენენ არე მარეს.  
 დააკვირდი დიად მნათობს  
 თუ სჩაგრავდეს პატარასა—  
 არც გზას ართმევს, არც სიცოცხლეს,  
 არც თავისს წილ ანდამატსა.  
 ისიც სცოცხლობს და ესეცა  
 ორივე ტურფათ, ამკობს ცასა!  
 შეხე ერთი იმ ჰაწიას,  
 ირმის ნახტომს გაეტოლა.  
 შეკუნტრულდა ქურციკივით  
 გადაგორდა ყირამალა!..  
 შუქურ ვარსკვლავს გაელიმა  
 ხომლსა თვალი ჩაუქნია,  
 მთარე ღრუბლებს მიეთარა  
 მარგალიტნი დაბნია!..  
 „პოეზია... ჰარმონია“,  
 გადმოეშვა მალლიდან ძირს,  
 თუმცა... ქვეყნის ქირ-ვარამსა,  
 ვით გაუტკობს იგი მწარ ძირს!..

VI

ახლა შეხე მოსერნეთ,  
 როგორ მორთულ მოკაზმულან...  
 ესენიც კი ხარხარობენ,  
 მიმიადიან, უღარდელათ.  
 ელექტრონიც გზას უნათებთ  
 (მან ხომ მთვარეც დააბნელა)!  
 ერთმანეთსა წუნსა სდებენ,  
 ღმერთი იყოს თითქოს ყველა!  
 მედიდური სასახლენი

ამართულან ზეცამდინა,  
 ქუჩა ქუჩას ეცილებია,  
 დარაჯთ იწვევს თავისკენა...  
 ეტლი ცხენს სჯობს,  
 ცხენი ეტლებს...  
 ღარიბს პირი დაეფრინა!..  
 აბა შეხე იმის ცილინდრს—  
 განცხრომის ძეთ იწოდება—  
 აოცა ხნავს და არცა სთესავს,  
 თანაც მუშტზე იხედება!  
 „ცა ქუდათ არ მიანჩია,  
 დედამიწა ქალამნათა“,  
 ასი კაცის ნაოფლარი,  
 მგონი, ერთმა გადაყლაპა!..  
 თავისს დამაც გვერდზე მისდევს:  
 თითქოს წყრება... გაბუტულა...  
 სინაზისგან თვალებს ქუტავს,  
 ხალხა უჩანს ქიანჰველათ!..  
 ღმერთო, ღმერთო მარგალიტნი  
 საღ მობიკა ამოტელა...  
 ხომ სჯობიან, ჩემო კარგო,  
 მის ცილინდრი ჩემს ნაბდის ქულს,  
 და იმისი ჯიბის ქისა  
 ჩემ დამტვრულ სკივრსა და ყუთს?!  
 თითონ ბიჭიც როგორია?  
 დაკროლილა კაკალივით  
 აქეთ იქით იხედება,  
 მონადირე ალალივით!  
 ხოლო მე კი? გამურული  
 კედელ-კედელ ვიპარები...  
 მეფეიქრება თვალი არ ვცე,  
 (ასე მავნეც არ ვიქნები)  
 თუმც მარადის გულს მილაღრავს  
 მათი ზნე და მათ სიბეცე!..

კ. ნალირაშვილი.

(დასასრული იქნება)

სახალხო თეატრი.

შაბათს, 4 იანვარს, ავჭალის სახალხო აუდიტორიაში ქართულ სახალხო თეატრის მოყვარეთაგან წარმოდგენილ იქმნა ცნობილი დრამა „დამნაშავეა“? ეს დრამა ამას წინათაც ითამაშეს რკინის გზის სახელოსნოების თეატრში ჩვენის არტისტების ბ. ვ. გუნის და კ. შაფირიშვილის მონაწილეობით და უნდა გამოეცხადეთ, რომ უიმათოთ „დამნაშავეა“-ს წარმოდგენა სახალხო სცენაზე ან მეტრისმეტე შეუგნებლობაა თავის საკუთარ ძალთა და ან დიდი გამბედაობა!..

მე ამითი იმის თქმა კი არ მინდა, რომ უარტისტებოთ შეუძლებელი იყოს ამ დრამის წარმოდგენა სცენის მოყვარეთაგან, მაგრამ ის კი დასამალი არ არის, რომ მოუშადადებლათ, გაუწვრთნელათ, როლისა და მომქმედ პირთა სულისკვეთების შეუგნებლათ, ერთის სიტყვით, ურებეტიციოთ და უხელომძღვანელოთ ამ მშვენიერის (თავის იდვით) დრამის წარმოდგენა დიდი შეცდომაა სექციისა და სცენის მოყვარეთა მხრივ!.. ეს თვალსაჩინო ჰყო 4 იანვრის წარმოდგენამ.

რაც უნდა მცირე და ღმობიერი საზომი ავიღოთ, მაინც დრამის მოთამაშენი დაბალნი გამოჩნდებიან. რუსები რომ იტყვიან „ниже всякой критики“-ო, სწორეთ ამ წარმოდგენაზე ითქმის. ამიტომ ვერც კი ვახერხებ გამოცემბრო შესაფერი საზომი...

დრამის მთელი ზეგავლენა ხალხზე ტომას ლეერის (ბ. ჯაფარიძე) უსამართლოთ განსჯასა და მის ტანჯვაზე დამყარებული; იტანჯება და სინიდისის ქენჯნასა გრძობს გერბერტიც (ბ. სხირტლაძე), მოსამართლე, რომელმაც შეცდომით ტომას ლეერი კაცის მკვლელობა სჯნო, და ოცი წელიწადი საპრობილეში ამოაღწია ჯანათა და ღონით სავსე მშრომელი და პატიოსანი ტომას ლეერი! იტანჯება უპატრონოთ დარჩენილი ცოლი ტომას ლეერისა, (ქ. რომანიშვილი), რომელიც გაიძვერა ადოლფ კრამერის ნივთი გამხდარა და ლუდხანის მსხვერპლი შექმნილს, — იტანჯება ახალგაზდა კარლიც (ბ. ჯაბაურა), შვილი ტომას ლეერისა, დედის და დას გარყვნილების მორევეში რომ ხედავს... დიხს, იტანჯებიან უსამართლობის მსხვერპლნი, მაგრამ ეს ტანჯვა ჩვენის მოთამაშეებისათვის შეუმჩნეველი და შეუგნებელი დარჩენილა!.. თამაშობდენ უგულოთ, უსულოთ, როლის უცოდინარათ და მსმენელ-მაყურებელთ მარტო ამით სტანჯავდენ.

ბ. ჯაფარიძე (ტომას ლეერი) საზოგადოთ სუსტი იყო. მისგან უფრო მეტს მოველოდით, რადგანაც უცილებლათ სასცენო ნიჭი აქვს და შეეძლო კიდევ როლის შეგნება.

მართალია ტომას ლეერი ოცი წლით საპრობილეში ყოფნამ ისე დააძაბუნა, ისე დასცა სულით, რომ თავის თავს ტომას ლეერს კი აღარ ეძახის, არამედ, — „ოცდამეჩვიდმეტე ნომრის ტუსაღს“, მაგრამ იგი მაინც გულით ატარებდა თავის უდანაშაულობას, ოცნებობდა თავის ცოლ-შვილზე, გული სწყდებოდა დაკარგულ ბედნიერებაზე, — და, მაშასადამე, იმ დროს, როდესაც მან გაიგონა მოსამართლეთაგან „შენ დამნაშავე არ ხარ... თავისუფალი ხარო“! გულგრილათ ვერ დარჩებოდა. შხამნარევისა და მოსამართლეთა დამამკირებელის ამოგმინებით უნდა მიგებებოდა ტომასი თავის განთავისუფლების ამბავს. ბ. კ. ჯაფარიძესაც სწორეთ შხამნარევის ხმითა და თვალების გამგმირავის შეხედვით უნდა ეგრძობინებინა მაყურებელთათვის ძლიერება იმ ტანჯვისა, რომელიც ყველა უსამართლოთ დასჯილის ხვედრია!

მოთამაშის თითოეული სიტყვა, თითოეული თვალის გადატრიალება, თითოეული ხმის კილო-კავი, თვით უკანასკნელი ამოკენსა და სახის კუნთების შეთამაშებაც კი გამოშხატველი უნდა ყოფილიყო სამართლიანობის გამარჯვებისა, შერცხვენა უნდა ყოფილიყო უსამართლობისა. ბოროტების სილის გარტყმას, მის თვალეში შეფურხებას უნდა უდრიდეს თავისის ძლიერებით ტომას ლეერის სიტყვების გამცორება: „გამანთავისუფლეთა, ახლა — ოცის წლის შემდეგ?.. მერე სად წავიდე ცხოვრებას მოწყვეტილი?!“.. ამ უსამართლობის გამოშლავნებაშია ჩასკნელი დედა-აზრი ზივისისა, ესაა გამომაფხიზლებელი მოსამართლეებისა და მაყურებლებისა!..

ბ. ჯაფარიძემ კი ერთფეროვანათ, უგულოთ ჩაატარა როგორც მთელი პირველი მოქმედება, ისე ეს დიდებული მომენტი და მით ტომას ლეერი გააფერმკრთალა... ვერ შეიგნო... არა უშავდა-რა დანარჩენ ორ მოქმედებაში. უფრო კი — იმ დროს, როდესაც ტომასი ფეხ-აკრეფით ეპარება თავის ცოლის მტარვალს და შეურაცხყოფელს კრამერს და კლავს (უკანასკნელი სცენა მესამე მოქმედებისა).

ბ-ნ კ. ჯაფარიძის შესახებ სიტყვა განგებ გავაგრძელებთ, ვინაიდან სრული იმედი გვაქვს მისის დახელოვნებისა მომავალში. დანარჩენებზე მოკლეთ მოგახსენებთ.

ბ. სხირტლაძემ (გერბერტა) ამ ეპოქათ როლი ყველაზე კარგათ იცოდა, სხვაფრივ კი... ვერაფერი მესცენვა. კილო, ხმა, მიხვრა-მოხვრა ერთფეროვანი აქვს. მწუხარებისა და სიხარულის გამოხატვა ვერ ეხერხება... ვერაფერი მოსამართლე იყო. ის მოსამართლე, რომელსაც გულს უწუხებს თავისი

შეცდომა — ოცის წლით უდანაშაულოს დასჯა, ბ. სხირტლაძემ ვერ დაგვიხატა.

ბ-ნი ჯაბაური კარლოს როლში „არტანუჯის უფროსი გავდა, ვიდრე დარდიმანდს, მწუხარებისაგან და ბატონისან ვაჟკაც — კარლს, იმ კარლს, რომელსაც, სხვაგზა რომ აღარა ქონდა დედის და დის დასახსნელათ, კაცის მოკვლაც კი განიზრახა. არის ჰიესაში ძლიერი მომენტი კარლის არსების დასასურათებლათ და საგულისხმიერო. ეს ის მომენტია, როდესაც კარლი დედის ლუდხანაში შემოდის ქამარში ცულ-გარკობილი (კრამერი უნდა მოკლას) და მოხუცებულ ტომასთან ბაასს დაიწყებს. ნამდვილი კარლი აძაგებს ცხოვრების სივერავეს, მწარე ოხუნჯობით იქარვებს გულის ბოლმას, ფარავს თავის გაუბედავობას, ცეცხლს უკეთებს თავის გულისთქმას და მოხუცის დარიგების ზეგავლენით თანდათან გონებას იკრეთავს. ეს ადგილი დრამატიულია, ძლიერია, მაგრამ... ბ-ნი ჯაბაური, კი ამ დროს არხინათ ჩიბუხს შეექცეოდა... ბ-ნი ჯაბაურისათვის კარლის სულისკვეთება მიუწოდომელი ყოფილა... არც ჩაცმულობა ქონდა შესაფერი. უდრო-უდროვით ოხვრა და ბორგვა შესმენილ მაყურებელს უნებურ ღიმილსა გვრიდა... უგულოთ თამაშობდენ აგრეთვე ქ. რომანიშვილი (მართა) და ქ. რავითაშვილი (იულია). ორივეს შეეძლო თვალსაჩინოთ ავსრულებინათ თავიანთი როლები, მით უმეტეს, რომ წინათაც გამოსულან ამ როლებში და შეთვისებულოცა აქვთ თავისი სათამაშო. აღბათ საერთო უფერულობამ თუ აუტრუათ გული. ქ. რომანიშვილი ჩინებული იყო მხოლოთ იმ დროს, როდესაც იცნობს თავის ქმარს და კივილით გადაეხვევა... ამ დროს მთელმა აუდიტორიამაც დაიგმინა...

დანარჩენები ძალზე სუსტნი იყვენ \*). თვით ბ-ნი გოცირიძე, რომელიც თვალსაჩინო მსახიობია სახალხო თეატრისა და რომელიც ყოველთვის შეგნებულათა და დაკვირვებით თამაშობს ხოლმე, სუსტობდა კრამერის როლში, თუმცა ყველაზე ცოცხლათ ისევ ეს თამაშობდა. ს. ხალხო წარმოდგენების რეჟისორი ბ-ნი დადიანი საპატიო მიზეზებისა გამო, რეპეტაციებს არ დასწრებია და არცა ყოფილა ხელმძღვანელი 4 იანვრის წარმოდგენისა... ურყეისობა და რეპეტიციების სიმკირე უმთავრესი მიზეზია დასახელებულ წარმოდგენის უფერულობისა!..


დასასრულ, კარგი იქნება, რომ წარმოდგენები დანიშნულ დროს დაიწყოს ხოლმე, თორემ ლოდინი მშრომელი ხალხისათვის საძნელოა.

აუდიტორია ხალხით გაქედლილი იყო. ი. ც — ძე.

წერილები რედაქციის მიმართ.

ქ-ნო რედაქტორა! უმარჩიელესად გთხოვთ ნება გვაბოძათ თქვენა მკითხველური გაზეით „კვალის“ საშუალებით უდამქსი მადლობა გამოვეუცხადოთ ბ-ნ დიმიტრი ბებურის ძეს ცინცაქეს და ივანე ზურაბას ძეს მახარაძეს, რომელთაც ხარკელმა შესწირა ლახ-სხუთის საქალებო სკოლას ერთა სტადი, დირებული 5 მ. და გამოუქნა ერთი წლით უუნაღა „Читальня народной школы“, სადა მეორემ შემოსწირა ღამზა, დირებული 5 მან. ლანჩხუთის საქალებო სამრელო სკოლის გამგე ბლ. მღვდელი ეპიფანე ჩხაძე. მასწავლებლები კატო ფხაკაძე, მარიამ წილოსანი.

\*) მაგ. შმიდტის მოთამაშე ავთოყოფი კაცის მკვლელი მილიონერი კი არ დაგვიხატა, არამედ ვლაც ბნელიანი და მოცახტახე ადამიანი. ი. ც.



# გ ა ნ ც ხ ა დ ე ბ ა ნ ი.

იოსებ იმედაშვილის გამომცემი, № 21.

## მ. გ. მ. რ. კ. ი. ს.

12 მოთხრობა, ივ. გამართლას კრიტიკულ-ბიოგრაფიული წერილით. ფასი 60 კაპ. იყიდება გამომცემელთან (თფილისში, ალექსანდრეს ბაღის პირდაპირ). ფოსტის აღრესი: Тифлисъ, Книж. Торг. Иос. Зах. Имедашвили. აქვე იყიდება მისივე გამოცემა № 22. **კაცი ვარ და მუდი მხურავს**, რომელიც სამ მოქ. ივ. რევ. ვაჩხაძისა.

### გამოვიდა და იყიდება

ყველგან „ქართვ. შორის წერა-კით. გამავრცელებელ საზოგადოების“ მიერ ახლად გამოცემული წიგნები:  
I. ჰალბერტი.

## გუნების ცოდნა.

26 სურათით.

თარგმანი ჰ. სურგულაძისა. ფასი 25 კაპ.

II. ი. გოგებაშვილი.

## ასპინძლის ომი.

ისტორიული ამბავი, ორის სურათით და ქარტით. ფასი 7 კაპ.

წიგნებს გამოწერა შეიძლება ფას-დადებითაც. აღრესი: Тифлисъ. Общество распростран. грамотности среди грузинъ.



ზ. რ. ჩ. ა. რ. კ. ვ. ი. ა. ნ. ი. ს.

ქართული კედლის

## კალენდარი

1903 წ.

ისყიდება ყოველგან.

ფასი 40 კაპ.

(3—1)

წარმოდგენა № 29.

ტელეფონი № 617

## ქართული თეატრი

კვირას, 12 იანვარს 1903 წ.

დილის იაზ-ფასიანი წარმოდგენა.

ქართული დრამატიკულის საზოგადოების დასის მიერ წარმოდგენილი იქნება

I

## ჭირვეული სოლის

მორჯულება.

კომ. 5 მოქ. შექსპირისა, თარგმ. კ. მესხის მიერ. მონაწილეობას იღებს მთელი დასი.

ადგილების ფასი დაკლებულია.

დასაწყისი დილის 12 საათზე

მზადდება წარმოსადგენათ მელანის ონტონი-გაგარლის საბუნებისოთ.

რეჟისორი გ. გუნაა.

რედაქტ.-გამომც. ან. თ.-წერეთლისა.

## 1903 წ ე ლ ს

გაზეთი „ივერია“ გამოვა იმავე სივრცით და პროგრამით, როგორც ადრე გამოდიოდა.

ფასი გაზეთისა მთელის წლით ისევ **თუშანია**. ამ ფულის შემოტანა ნაწილ-ნაწილათაც შეიძლება.

კონცხლავკ დაბარებს კაზეთს მერმისთვის და ერთ თუმანს წარმადგენს, ამ ნაგებრასა და დეკემბრის ნამრები მუქათა გაკვსავს.

### ხელახლ-მოწერა შაიდეებს:

ტფაღისში—„ივერიის“ რედაქციაში (თავად-აზნაურთა ქარვასლა №№ 117 და 118) და ქ. შ. წერა-კითხვ. გამავრც. საზოგ. წიგნის მალაზია (სასახლის ქუჩა, თავ-აზნაურ. ქარვასლა).

ქუთაისში—ბეჟანეიშვილის და წერეთლის წიგნის მალაზიებში, ქუთ. წიგნების გამომც. ამხანაგობის კიოსკში, აგრეთვე სოსიკო მერკვილაძესთან.

ბათუმში—ნიკოლაძის ჟურნალ-გაზეთების სააგენტოში და ქელიძის წიგნის მალაზიაში.

ფოთში—აგქსენტი ისიდორეს ძე ბიბილუასთან.

ბაქაში—ხილდეკელის წიგნის მალაზია (ნიკოლოზის ქ., ქალანთარის ქარვასლის პირდაპირ).

ზესტაფონში:—(ყვირილაში): ივანე დავითის ძე საყვარელიძესთან.

საბუნჩაში—პეტრე მაქავარიანთან.

შარაზანში—პართენ ნასიძესთან.

განჯაში—სოფრონ კანდელაკთან (სადგურზე).

გარში—ანტონ კასრაძესთან.

განცხადება პირველ გვერდზე—10 კაპ. სტრ., მეოთხეზე—5 კაპ. მთელი გვერდი გაზეთისა ცალკე მორიგებით.

12 თვ. 10 მ., 11-თ—9 მ. 50 კ., 10-თ—8 მ. 75 კ., 9-თ—8 მ., 8-თ—7 მ. 25 კ., 6-თ—მ. 50 კ., 5-თ—5 მ. 50 კ., 4-თ—4 მ. 75 კ., 3-თ—3 მ. 50 კ., 2-თ—2 მ. 55 კ., 1-თ—1 მ. 50 კ.

საფოსტო აღრესი: Тифлисъ, Редакция „Иверია“.

ОТКРЫТА ПОДПИСКА на 1903 годъ—(X г. изданія журнла).

## „ХОЗЯИНЪ“

Подписная цѣна: на годъ 6 руб., на полгода 3 руб., на мѣс. 60 коп. съ пересылкой.

За границу: на годъ 8 руб., на полгода 4 руб. Отдѣльные номера 20 коп.

Разсрочка по одному рублю въ теченіе первыхъ шести мѣсяцевъ.

Объявленія по 10 коп. за строчку петита въ одинъ столбецъ (4 столбца на страницѣ)

Подписчики въ 1903 г. получаютъ безплатно слѣдующія 6 книгъ «БИБЛЮТЕКИ ХОЗЯИНА»:

1) **КРУПНЫЙ РОГАТЫЙ СКОТЪ** въ условіяхъ русскихъ хозяйствъ. Сборникъ статей покойнаго А. А. Армферльда. Съ портретомъ автора.

2) **ВОЗДѢЛЫВАНІЕ КАРТОФЕЛЯ** по даннымъ науки и практики. Проф. С. М. Богданова.

3) **КОНЕВОДСТВО**. Практическое руководство къ разведенію рабочихъ лошадей. Ф. Ольденбурга. Переводъ съ нѣмецкаго.

4) **РЫБОВОДСТВО**. Практическое руководство къ разведенію рыбъ. А. Веедера. Переводъ съ нѣмецкаго.

5) **СѢМЕНА ЛУГОВЫХЪ ТРАВЪ и КЛЕВЕРА**. Руководство къ опредѣленію и изслѣдованію сѣмянъ. Д-ра Л. Виттмака. Переводъ съ нѣмецкаго. В. Г. Доппельмайра. Съ 12 литографирован. таблицами и 25 рисунками.

6) **КУЛЬТУРА КОРЗИНОЧНОЙ ИВЫ**. В. Геммерлинга. Перев. съ нѣмецкаго. Съ 6 литографированными таблицами и 30 рис.

Контора и Редакція С.-Петербургъ. *Невскій, 92.*

ОТКРЫТА ПОДПИСКА НА 1903 ГОДЪ (X ГОДЪ ИЗДАНІЯ)  
На ежемѣсячный научно-философскій и литературный журналъ

## НАУЧНОЕ ОБОЗРѢНІЕ.

Подъ ред. М. Филиппова, при ближайшемъ участіи проф. С. Глазенапа, проф. Л. Петражицкаго и проф. В. М. Шимкевича.

„Научное Обозрѣніе“ имѣетъ цѣлью знакомить читателей въ общедоступной формѣ съ движеніемъ научной и философской мысли.

Продолжая слѣдовать своему популярному, но въ тоже время строго-научному направленію, редакція „Научнаго обозрѣнія“, при вступленіи въ десятый годъ изданія, рѣшила произвести существенныя улучшенія, путемъ привлеченія новыхъ научныхъ и литературныхъ силъ. Съ января 1903 года вводится:

### НОВЫЙ ОТДѢЛЪ БЕЛЛЕТРИСТИКИ

(романы, повѣсти, драмы, стихотворенія).

Въ отдѣлѣ журнальнаго обзора редакціей обращается вниманіе на статьи, помѣщаемыя въ научныхъ и литературныхъ органахъ преимущественно иностранныхъ, причемъ имѣются въ виду въ особенности читатели, не имѣющіе возможности слѣдить за иностранною печатью. — Въ отдѣлѣ общественныхъ наукъ будутъ помѣщаться также статьи изъ области ученія о правѣ и государствѣ. Редактированіе трехъ научныхъ отдѣловъ приняли на себя: отдѣла „научныхъ новостей“ проф. С. П. Глазенапъ, отдѣла социально-юридическаго проф. Л. Петражицкій и отдѣла биологическихъ наукъ — проф. В. М. Шимкевичъ.

Въ отдѣлѣ „Народный Университетъ“ (для Самообразования) принимаютъ участіе учредители русской парижской школы Общественныхъ наукъ: проф. Ю. Гамбаровъ, проф. Максимъ Ковалевскій, проф. М. Тамашевъ, Е. де-Роберти, члены одесскаго лекціоннаго комитета и другіе ученые.

Подписная цѣна: на годъ безъ доставки въ Сиб. 7 р. Съ доставкой и пересылкою по всей Россіи 8 р. Разрочка — по два рубля за четверть года. За границей 10 р. Адресъ Главной Конторы: С.-П., Малая Итальянская, д. 37.

ОТКРЫТА ПОДПИСКА НА 1903 ГОДЪ

На еженедѣльную финансово-экономическую, торговую и промышленно-техническую газету.

## „ПРОМЫШЛЕННЫЙ МІРЪ“

ПОДПИСНАЯ ЦѢНА съ пересылкой и доставкой:

на годъ—10 руб., полгода—5 р. и четверть года—3 р.

Подписка принимается въ конторѣ редакціи: С.-Петербургъ,

Коломенская ул., д. № 1. и во всѣхъ книжныхъ магазинахъ

Пробные № № высылаются по первому требованію **БЕЗПЛАТНО.**

Редакторъ-Издатель А. С. [ИЗДАТЕЛЬ]

При каждомъ №, независимо отъ другихъ приложений, подписчики получаютъ по одной книгѣ, а новые подписчики, выписывающіе также (за 1 р. 50 к., съ перес. 2 р.) первые 12 томовъ соч. Лѣскова, получаютъ ихъ при первомъ номерѣ за 1903 г.

ОТКРЫТА ПОДПИСКА  
НА 1903 ГОДЪ

(34-й годъ изданія)

на ежен. иллюстрированный

**ЖУРНАЛЪ**

со многими приложениями

# НИВА.

Гг. подписчики „НИВЫ“ получаютъ въ теченіе 1903 года:

52 №№ художественно-литературнаго журнала „НИВА“, заключающаго въ себѣ въ теченіе года до 2000 столбцовъ текста и 1100 гравюръ, рисунковъ и художественныхъ снимковъ

40 ТОМОВЪ «Сборника Нивы» (каждый отъ 10—15 листовъ, въ общемъ около 9.000 страницъ), содержащихъ:

ПОЛНОЕ СОБРАНІЕ  
СОЧИНЕНІЙ ВЪ

16 ТОМАХЪ

# АНТ. П. ЧЕХОВА

(цѣна въ отдѣлн. продажѣ 17 р. 50 к.), которое будетъ отпечатано четкимъ шрифтомъ на хорошо-гладированной бумагѣ и будетъ выдано въ теченіе 1-го 1903 г.

и ОСТАЛЬНЫЕ

24 ТОМА

ПОЛНАГО СОБРАНІЯ  
СОЧИНЕНІЙ

# Н. С. ЛѢСКОВА

(цѣна въ отдѣльной продажѣ 17 р.), значительно дополненаго многими произведеніями, не вошедшими въ прежнія изданія, въ томъ числѣ: По поводу „Крейцеровой сонаты“, „Мелочи архіерейской жизни“, „Расточитель“ и друг.

„Ежемѣсяч. литератур. и популярно-научн. приложений“

12 КНИГЪ

содержащихъ романы, повѣсти, рассказы, популярно-научныя и критическія статьи современныхъ авторовъ и отдѣлы библиографіи, музыки, смѣси, шахматовъ и шашекъ, спорта, забавъ и разныхъ игръ. До 200 столбцовъ текста съ иллюстраціями.

12 №№

«ПARIЖСКИХЪ МОДЪ», выходящихъ ежемѣсячно. До 200 столбцовъ текста и 300 модн. гравюръ. Съ почтовымъ ящикомъ для отвѣтовъ на разнообраз. вопр. подписчиковъ, рисунковъ (около 300) для рукодельныхъ и вышивальныхъ работъ и для выжиганія и до 300 чертежей выкроекъ въ натуральную величину, выходящихъ ежемѣсячно.

12 ЛИСТОВЪ

„Парижскихъ модъ“, выходящихъ ежемѣсячно. До 200 столбцовъ текста и 300 модн. гравюръ. Съ почтовымъ ящикомъ для отвѣтовъ на разнообраз. вопр. подписчиковъ, рисунковъ (около 300) для рукодельныхъ и вышивальныхъ работъ и для выжиганія и до 300 чертежей выкроекъ въ натуральную величину, выходящихъ ежемѣсячно.

1 „Стѣнной календарь“ на 1903 г., отеч. въ 9 красокъ.

ПОДПИСНАЯ ЦѢНА на годовое изданіе со всеми приложениями: безъ доставки: 1) въ С.-Петербургѣ—6 р. 50 к. 2) въ Москвѣ въ конт. Н. Н. Печковской (Петровск. линія)—7 р. 25 к., 3) въ Одессѣ въ кн. маг. «ОБРАЗОВАНИЕ» (Ришельевск. № 12)—7 р. 50 к. Съ доставкой въ С.-Петербургѣ—7 р. 50 к. СЪ ПЕРЕСЫЛКОЙ ВО ВСѢ ГОРОДА и МѢСТНОСТИ РОССИИ 8 руб. За границу 12 руб.

Допускается разрочка платежа въ 2, 3 и 4 срока.

Новые подписчики, желающіе получить, кромѣ «Нивы» 1903 г. со всеми приложениями, — еще не вые

12 ТОМОВЪ

полнаго собранія соч. ЛѢСКОВА, приложенные при «Нивѣ» въ 1902 г., доплачиваютъ одновременно при подпискѣ: безъ доставки въ СІБ. 1 р. 50 к.; безъ дост. въ Москвѣ и Одессѣ 1 р. 75 к., съ дост. въ СІБ. и съ перес. иногороднымъ и за границу—2 р., такъ что подписная цѣна составятъ: безъ доставки 1) въ С.-Петербургѣ—8 р., въ Москвѣ и Н. Печковской—9 р., 3) въ Одессѣ въ кн. маг. «Образование»—9 р. 25 к., съ доставкой въ С.-Петербургѣ—9 р. 50 к., перес. во всѣ мѣста Россіи—10 р. и за грар.—14 р.

Требованія прислать адресовать въ С.-Петербургѣ, въ Главную Контору журнала «НИВА» г. Ф. МАРКОВУ, улица Гоголи (бывш. М. Морская), д. № 22.



# შავი ქვის მრეწველთა

## V კამბა მუთისში.

წერილი პირველი.

მკითხველებმა უკვე იციან, რომ ამა თვის 7 ქ. ქუთაისში, სამიწათმოქმედო და სახელმწიფო ქონებათა მინისტრის ნებართვით, გაიხსნა ქიათურის შავი ქვის მრეწველთა მეხუთე კრება, რომელიც, მოსალოდნელია, გასტანს ორ კვირამდის. ჩვენ განვიზრახეთ ვადევნოთ მას თვალყური და შეძლებისამებრ გავაცნოთ იგი ჩვენ მკითხველს.

თქმა არ უნდა, რომ ასეთი კრება, როგორც ღვევანდელია, ჩვენ ცხოვრებაში სრულიათ ახალი მოვლენაა და ეს საუკეთესო დამასურათებელია მთელი ჩვენი თანამედროვე საზოგადოებრივი ცხოვრების მიმდინარეობისა, მაგრამ ეს დღეს ჩვენ არ გვინტერესებს: ამ ჟამათ მთელი ჩვენი ინტერესი მიპყრობილია თვით კრებაზე, თუ რისთვის არის იგი მოწვეული და რა უნდა გავაკეთოთ მან.

იმნაირი კრება, როგორც ღვევანდელია, ორ-სამ წელიწადში მხოლოდ ერთხელ ხდება, დღემდის ეს მაინც ასე იყო\*) მესამე კრება მოხდა ზაფხულში 1900 წელს, ე. ი. თითქმის 2 1/2 წლის წინეთ. კრებიდან კრებამდის მრეწველთა კრება (СЪЗЪИДЪ) ირჩევს საკუთარ მუდმივ აღმასრულებელ ორგანოს — საბჭოს, რომელსაც წინამძღვრობს საბჭოს თავმჯდომარე. საბჭოს მოვალეობაა მოიყვანოს სისრულეში კრების მონდობილებანი, უწინამძღვროს და აწარმოვოს მრეწველთა საერთო საქმეები და დაიცვას მათი ინტერესები, რაც კერძო პირთათვის შეუძლებელია, ან მოუხერხებელი. უნდა იცოდეთ, რომ მრეწველთა კრებას და მის საბჭოს დიდი უფლება აქვს მინიჭებული ღვევანდელ სახელმწიფო წესწყობილებაში, მას აქვს შედარებით ძლიერ ფართო სარბიელი თვითმართველობის ასპარეზზე, აშკარაა, თუ რა ინტერესით და გულმოდგინებით უნდა უყურებდნენ მრეწველები თავის კრებას და საბჭოს, თუ როგორ უნდა აფასებდნენ იმათ. გავრცელებულია საზოგადოების და პრესის ერთ ნაწილში ის აზრი, რომ ჩვენ, ქართველებს, ჯერ კიდე არ მიგვიღწევია განვითარების იმ საფეხურამდე, როცა შეიძლება დამოუკიდებლათ წარმოება თავისი საკუთარი საქმეებისა, ე. ი. უფრო მარტივათ რომ ვთქვათ, ჩვენ ჯერ ვერ შევიფერებთ თვითმართველობას. პირადათ მე ასეთი აზრი დიდ შეცდომათ მიმაჩნია, როცა ამის მოქმედს არავითარი ბოროტი განზრახვა არ აქვს მხედველობაში და თუ შავი ქვის მრეწველთა კრება ვერ გამოიჩენს საკმარისს უნარს და შესაფერ მოქმედებას თვითმართველობის ასპარეზზე, ეს მხოლოდ ადგილობრივ მრეწველთა კლასის უსუსურობას და მოუზნადებლობას დაამტკიცებს და მეტს არაფერს. — დღეს კი მრეწველთა მთელი ყურადღება უნდა იყოს მიქცეული მესამე კრებაზე არჩეულ საბჭოს მოქმედებაზე, ამიტომ სანამ ჩვენ ღვევანდელ კრებაზე და მის დახასიათებაზე ვადავიდოდეთ, საჭიროა რამდენიმეთ შევჩერდეთ მომაკვდავ საბჭოს დახასიათებაზე.

არავისთვის საიდუმლო არ არის, რომ ეს რამდენიმე ხანია ჩვენ საზოგადოებაში და ჟურნალ-გაზეთობაში გაისმის ქიათურის მრეწველთა საბჭოს მიმართ საყვედური, მისი უმოქმედების და უზრუნველობის ამბავი. ჩვენ ეს არ გვჯეროდა, ყოველ შემთხვევაში გაზვიადებულათ ვთვლიდით და ვერ წარმოგვედგინა, რომ ეს სანაქებო საბჭო ამ ზომამდე დაუდევარი და

უნიჭო იყო, ის საბჭო, რომელსაც მოთავით ყავს ოღვემე სიმართლისათვის თავდადებული მოსარჩლე და ერთ დროს ნიჭიერ პუბლიცისტათ აღსარებული პირი. სამწუხაროა, ნდეს ჩვენ უნდა დავიჯეროთ არა თუ ის, რასაც კანტარუსის წინეთ ამბობდნენ, არამედ მრავალ ისეთ რამეებზე, რაც წინეთ აინუნშიაც არავის მოუვიდოდა. თვით საბჭოს მოქმედების „ანგარიში“, რომელიც მან ამ დღეებში გამოცა, და სარევიზიო კომისიის მოხსენება, აშკარათ ყოფენ ღვევანდელ საბჭოს სრულ ზნეობრივ და გონებრივ სიკოტრეს, მის სრულ შეუფერებლობას და შეუსაბამობას ქიათურის შავი ქვის მრეწველობის საერთო საქმეების მოწყობასა და წინამძღვრობაში. ჩვენ ვეცდებით ამ წერილში გავარჩიოთ და დავაფასოთ ღვევანდელი, მესამე კრებაზე, ამორჩეული საბჭოს მოქმედება რაც შეიძლება სავსებით და ვრცლათ, მაგრამ იძულებული ვარ ეს შემდეგისათვის გადავდვა და აქ მხოლოდ აღვნიშნავთ ღვევანდელ საბჭოს მოქმედების დასახასიათებლათ რამდენიმე გარემოებას. ამ შემთხვევაში ჩვენთვის გზის მაჩვენებლათ იქნება სარევიზიო კომისიის მოხსენება, რომლიდანაც ჩვენ დავასახელებთ მხოლოდ რამდენსამე მოავარ ფაქტებს.

1. საბჭოს შესავალ-გასავლის საქმე ისე ჰქონებია მოწყობილი, რომ იქ რაიმეს გაგება თითქმის შეუძლებელია. ერთათ ერთი კასის წიგნი გავსებულია ჩანაწერით და წაშლილი ადგილებით, ასე რომ იმაზე დამყარება და იმის მიღება ყოველად შეუძლებელია. ასეთ დაუდევრობას, თუ ამას მხოლოდ დაუდევრობათ ჩავთვლით, საბჭო ხსნის მით, რომ ქუთაისში ბუხგალტერი ვერ ვიშოვეთ; და გაუწევია კიდევაც ეკონომია: ბუხგალტერისთვის გადადებული ფული არ დაუხარჯავს სრულათ, ასე რომ მორჩენია 1,900 მანეთი:

2. ხარჯთ აღრიცხვაში სისწორით არც ერთი სტატია არ არის შესრულებული; რევიზიამ აღმოაჩინა შემდეგი: საბჭოს დაუხარჯავს ნაკლები:

მუდმივ ხარჯებიდან	111,856 მ.	12 კ.
ერთდროული . . . . .	126,398 ,,	30 ,,
დაუხარჯავს მეტი, ვინემ ხარჯთ-აღრიცხვაში იყო:		
მუდმივ ხარჯებიდან	4,513 მ.	40 კ.
ერთდროული . . . . .	59,666 ,,	43 ,,

ამნაირათ, როგორც ხედავთ, საბჭოს 174,074 მან. და 69 კაპ. ეკონომია გაუწევია, რაც მხოლოდ იმას ამტკიცებს, რომ იგი ყოველად შეუსაბამო და უნიჭო ყოფილა მინდობილ საქმეში. როცა კრება თავის საბჭოს ფულის დახარჯვას ანდობდა, ეს იმიტომ კი არა, რომ მას მეტი ჰქონდა, ან და იმიტომ, რომ მას დახარჯვა ყვარებოდეს. არა, იმიტომ, რომ ფულის დახარჯვით საქმე ვაკეთებულყო, სხვადასხვა აუცილებელი საჭიროებანი დაეკმაყოფილებიათ. და თუ ეს ვერ ვერ მოახერხა საბჭომ, ეს მხოლოდ მის უნიჭობას უნდა მიეწეროს. ამას ჩვენ დავგანახვებს იგივე სარევიზიო კომისიის მოხსენება, რომლიდანაც ვტყობილობთ, რომ საბჭოს ეკონომია გაუწევია უმთავრესათ ქიათურის საავთმყოფოს ხარჯზე, გზების და ხიდების შეკეთებაზე და უმთავრესათ იმაზე, რომ საბჭოს ვერ შეუყიდა ის მიწები, რომლებსაც ყიდვა მისთვის კრებას მიუნდვია. იმავე დროს კი ქიათურის საავთმყოფო მეტათ სამწუხარო მდგომარეობაშია: იგი გავსებულია ავთმყოფებით, სადაც გადამდებ სენით ავთმყოფები თითქმის ერთათ არიან არეული სხვა ავთმყოფებთან, თუმცა სხვადასხვა ოთახში, მაგრამ ისე კი, რომ გადამდებ სენის გავრცელებას არაფერი არ უშლის ხელს. საავთმყოფოს არა აქვს არც ვანა, და არც ფეხის ადგილი თვით სადგომში, ასე რომ ავთმყოფი წვიმაში, თოვლში და ყინვაში იძულებულია ცივ ჰაერზე ირბინოს. მოსიარულე ავთმყოფების მისაღები

\*) გასულ წელს მარტში მომხდარი კრება იყო არა ჩვეულებრივი, მას სრულებით განსაკუთრებული ხასიათი ჰქონდა და ამიტომ იგი სათვალავში არ მიიღება.

ოთახი, აფთიაქი, ფერშლების საცხოვრებელი ბინა მოთავსებულია სრულებით დანგრეულ შენობაში. ავათყოფებს ვინ იცის, რას აძლევს საქმელათ და იმავე დროს კი საბჭო ავათყოფების ხარჯზე 15,340 მანეთს ეკონომიას ეწვეა. სახელი და დიდება ასეთ საბჭოს! მაგრამ ისიც კი უნდა ითქვას, რომ ამ საავათყოფოს ანგარიში ღმერთმა დაითაროს: ეს ანგარიში თურმე ექიმის ჯამებია, რომელსაც, გარდა იმისა, რომ ნახევარჯერ ქიათურაში არ არის, ანგარიშის არაფერი გაეგება. არ არის არივითარი წერილობითი საბუთი, თუ საწოვადე ან სხვა ნივთი როგორ არის ნაყიდი, და მოდი ასეთ დაწესებულებას რევიზია გაუკეთე! ყველაფრით შემკულ ქიათურის საავათყოფოს ექიმის თვისებური და მეტათ ახირებული ყოლია: იმას თავისი წესი შემოულია: თუ ერთ დღეს მივიდა საავათყოფოში, უეჭველათ უნდა იცოდეთ, რომ ორ დღეს მას მანც აღარ მიეკარება, თუ გინდ ამით ვინმე სიცოცხლესაც გამოასაღმოს და ასეთ ექიმს საბჭო აძლევს თვეში 200 მანეთს, გარდა საჩუქრებისა და შემწობისა!

შედარებით დიდი ეკონომია გაუკეთებია ყველაფერში «ნაქებ» საბჭოს სტიპენდიებზედაც 1900წლის კრების გადაწყვეტილებით ამ 2 1/2 წლის განმავლობაში საბჭოს უნდა დაეხარჯა, ე. ი. გავცა სტიპენდიებათ 5,440 მანეთი. დაუხარჯავს კი მხოლოდ 2,560 მანეთი. აქედან სამ მოსწავლეს მიუღია სულ 960 მანეთი და ერთს 1600 მანეთი! როგორ მოგწონთ ასეთი განაწილება! ნუ თუ სამი მოსწავლე ერთ მოსწავლეთ მანც არ ღირდა, ალბათ იკითხავს გულუბრყვილი მკითხველი! ეს საბჭოს კითხეთ. ამნაირათ საბჭოს დაუზოგავს 2,880 მანეთი ღარიბ მოსწავლეთა ფულიდან! იმავე დროს საბჭო თავის, ანგარიშში წერს: „იმ პირთა რიცხვი, რომელთაც მოსურვებს სხვადასხვა სამთო სასწავლებლებში შესვლა მრეწველთა კრების სტიპენდიატებათ, მრავალი აღმოჩნდა“ (გვ. 5), — რაც მოსალოდნელიც უნდა ყოფილიყო. მაშ ბარაქალა მის ბიჭობას, ბარაქალა მის გულშემატკივრობას ჩვენი ყმაწვილთაობის აღზდაში მას დაუზოგავს და ვერ გაუმეტებია ის მცირე წვლილი, რაც ამ საქმისთვის კრებამ გადასდო.

სამაგიეროთ უნდა იცოდეთ, რომ საბჭოს წევრებს არ დაუფიწყიათ თავისი თავი: თავმჯდომარის მოადგილისთვის იმავე საბჭოს მიუცია მეტი, ე. ი. მეტი, რაც ხარჯთ-აღრიცხვაში იყო ნაჩვენები, 1,651 მან. 81 კაპ. და წევრებისთვის

1,300 მან., ანუ სულ 2,951 მან. 81 კაპ., ე. ი. ის ფული, რომელიც კრების გადაწყვეტილებით ღარიბ მოსწავლეების აღზდას უნდა მოხმარებოდა საბჭოს იმდენი ფული უნდა მოეხმარებოდა რომ თითონ ჩაუღვია ჯიბეში.

3. საბჭოს მოვალეობას შეადგენდა აგრეთვე გზების გაკეთება და შეკეთება, რომლებიც ისეთ მდგომარეობაშია დღეს, რომ იმაზე სიარული მხოლოდ კისრის მოტეხას უქადის ადამიანს, გაუვალ ტალახს რომ თავი დავანებოთ. მაგრამ აქ ვწყვეტ საბჭოს მოქმედებაზე ლაპარაკს. ასეთ გარემოებას, საბჭოს ასეთ საქციელს უეჭველია უნდა გამოეწვია საზოგადოებაში დიდი უკმაყოფილება და დრტვინვა. ეს ასეც მოხდა. ჩვენთვის გაუგებარია მხოლოდ ის ტაქტიკა და ის ქცევა, რომელსაც დაადგა განსაკუთრებით ამ ბოლო ხანებში ამ საბჭოს ერთათ ერთი ხელმძღვანელი, ანუ მისი თავმჯდომარე ბ. ზდანოვიჩი. ეს ვაჟბატონი, რომელიც ერთ დროს კაცობრიობის დაჩაგრულ ნაწილს მოსარჩლეობდა და სიმართლის დრომის ქვეშ იბრძოდა, დღეს თავ-აღებულის, აუღაგმაგ უტიფრობის გზას დადგომია. მის დროშაზე დღეს ამიერიდან აწერია: შორს მოქალაქებრივო გრძობავ, პიროვნების პატივისცემა! პირიქით გაუმარჯოს ლანძღვას, პიროვნების დამცირებას და გათელვას! ან მე და ან „ქვა ქვეაზედაც ნუ ყოფილაო!“ ყოველივე რაც წინ ეღობება მის ეგოისტურ მიზანს, იგი ჯეკის, სრესს და თელავს შეუბრალებლათ. იგი მსჯელობს ამ ნაირათ: მას შეუძლია ჩაიღინოს რაც სურს, შელახოს ვისი ინტერესიც უნდა იყოს, და ამისთვის მას პასუხის გებას ვერაფერ მოთხოვს. პირველი ორი სხდომა ჩვენ გვიმტკიცებს, რომ ბ. ზდანოვიჩისთვის დასაცველათ აღარაფერი აღარ აქვს, გარდა გაბედული ურცხვობისა და თავდაუტყველ ლანძღვა-გინებისა; მას ალბათ, სურს ამ გზით გამოიწვიოს კრებაზე უწესობა, კრება დაახურვინოს და შემდეგ ძველებურათ იპარპაშოს. მაგრამ ჩვენ დარწმუნებული ვართ, დღევანდელი კრება უფრო შეგნებთ მოეკიდება თავის ინტერესებს და მახეში არ გაებმება.

გარეშე მეთვალყურე

(შემდეგი იქნება).

რედაქტ.-გამომც. ან. თ.-წერეთლისა.